


PL
1420
F35
1666
V. 8



通雅卷之十五

桐山方以智密之輯著

同里姚文燮經三較訂

地輿

水注

論江之源。別出吐蕃。非止岷山也。○江出岷山。在今茂州汶山縣。發源不一。而濫觴甚微。及閱雲南志。則謂金沙江之源。出於吐蕃之犁石。南流漸廣。至于威定之金沙巡司。經麗江鶴慶。又東過四川之會川建昌等衛。以達於馬湖敘南。然後合于岷江。緬甸宣慰司志。謂金沙江闊五里餘。緬恃以爲險。遠近大小言之。江源出于吐蕃犁石。卽崑崙之南。河出朶甘思。卽崑崙之西。

可畫守積石岷山已邪。

禹貢九江爲洞庭。三江爲漢。岷彭。○胡秘監曰。晁詹事說之。皆以九江爲洞庭。而鄭樵獨謂東滙澤爲彭蠡。東爲北江。入于海。十三字爲衍文。朱子取之。古九江郡。乃在江北。江漢往會之說。味別之說。洲別之說。皆支。經凡例曰。考之過九江。至于東陵者。言導岷水。而是水之橫截乎洞庭之口。以至東陵也。是漢水過三澨之例也。過九江。至于敷淺原。言導岷陽之水。而導山之人。至于衡山之麓。遂越洞庭之尾。東取小路至敷淺原也。是導岷岐荆山而逾于河。以盡常山碣石之例也。漢志豫章領縣十八。彭蠡縣下注云。禹貢彭蠡澤在其西。餘則言水入湖漢者八。入

大江者一。而湖漢一水。則又自雩都東至彭澤入江。行千九百里。山海經曰入江彭澤西者。本謂逕彭蠡縣之西而入江也。語意不明耳。漢志不知湖漢之卽爲彭蠡。又不知大江者亦潯于彭蠡。又不知湖漢之爲湖。則皆承禹貢之衍疑而弗深考也。智按導滌漢導江二條合觀之。過九江至于東陵。東匝北會爲滙。東爲中江入于海。則前條之北江豈衍乎。禹治水詳于泛濶之處。而南方爲略。從楊子言三江。則滌漢爲北。岷江爲中。彭蠡爲南。不言南。互見之矣。胡晁九江指洞庭是。而九江郡名。卽下流以稱之也。滙言其合處也。蕭該言彭蠡古作彭麗。又按彭蠡一名宮亭。九江三江別詳于下。

考河源者莫詳於元。○河源出吐蕃朶甘思泉百餘泓。淖弱不勝物。從高視之。燦若列星。曰星宿海。譯言火敦腦兒海也。羣流滙二巨澤。譯言阿刺腦兒也。東行一日成川。名赤賓河。又行與亦里水合。又與忽蘭水也。里朮水合。始曰黃河。然水清。又一二日程爲九度河。水八九股可度也。又四五日程水始渾濁。土人抱革囊。或乘馬過之。亦有象舟。傳革以濟。繼是束以兩山。廣一二里。深叵測矣。又曰朶甘思東北鄙有大山。積雪不消。所謂崑崙也。自九度至崑崙。約計二十日程。河行崑崙南半日程。又四五日程。至闊郎及闊提二地。相屬。又三日程。始至哈刺別里赤兒。崑崙之西。人跡簡少。多處山南。又行五六日合細黃河。與乞

兒馬朮二水轉崑崙北二日程少東又北流半月程至貴德州州隸河州元所置吐蕃宣慰司也又四五日程始至禹貢所謂積石又五日程至河州安鄉關又一日程至打羅坑東北行一日合洮河水又一日至蘭州過北卜渡至鳴河州過應吉里州正東行至寧夏南又東行卽東勝也世言黃河九折彼地有二折蓋乞兒馬朮及貴德州必赤里也張騫曰河有兩源一出于闐一出于葱嶺唐薛元鼎使吐蕃得河源于悶磨黎山元太祖過九度渡在崑崙西南憲宗命第旭烈征西域拓地四萬里而河源在域內至元庚辰世祖命詔討使都寔徃通互市自河州行五千里抵河源還圖以聞又使其弟闊闊出闊闊回授學士

潘昂霄撰述而臨川朱思本于八里吉家得帝師所藏梵字圖書譯之

九河以近碣石者爲是。○舊曰馬頰卽馬篤河。徒駭卽徒河。在濟南境而胡蘇河簡河潔河皆在滄州。漢得其三。唐得其六。歐陽志輿地記又得其一。皆似是而非。班固以滹沱爲徒駭。謬矣。鄭氏乃曰齊桓塞九爲一。蔡九峰非之。酈善長曰九河碣石苞淪于海。程子宗之。今碣石在海中。去岸五百餘里。則今之言九河故道者。空穿鑿矣。

滎汴。濟渠也。○豫州之川滎

滎音

雒。滎陽滎澤是也。滎澤與濟隧

合。出河之濟卽陰溝之上原也。康成曰今爲平地。滎陽民猶謂

其地爲滎澤。鄭州圖經。敖山在縣北。滎陽在縣北四里。酈道元曰。濟水於此又兼滎。春秋宣十三年。晉楚戰于滎。卽是水也。戴恂曰。滎音卞。則卽汴水矣。又作汧。京相璠曰。濟自敖山北溢爲滎。潞而後泄。遂爲汴水。卽禹貢道濟。所謂東出于陶丘北。而漢書地理志注。所謂狼湯渠。首受沛。東南至陳入潁。過郡四。行七百八十里者是也。後世滎旣不潞。又汴在戰國。謂之鴻溝。馬遷史記謂之滎陽漕渠。漢書謂之狼湯渠。漢建武中。張泥修之。謂之濟渠。永平中。王昊治之。謂之浚儀渠。酈道元謂之陰溝。故名實遂難曉耳。南豐曾氏曰。昔禹於滎澤下。分大河爲陰溝。出之淮泗。至浚儀西北。復分二渠。其後或曰鴻溝。始皇疏之以灌魏。

郡者是也。或曰浪宕渠。自滎陽五池口注鴻溝者是也。或曰浚儀渠。漢明帝時循河流故瀆作渠。渠成注浚儀者是也。或曰石門渠。靈帝時於敖城西北累石爲門。以遏渠口者是也。石門渠東合濟水。與河渠東注。至敖山之北而兼汴水。又東至滎陽之北。而旃然之水東流入汴。滎陽之西有廣成二城。汴水自二城閒小澗中東流而出。濟水至此乃絕。桓溫將通之而不果者。晉太和之中也。劉裕浚之。始有湍流奔注。而岸善隕塞。裕更疏鑿以漕運。義熙之閒也。皇甫謐發河南丁夫百萬開之。起滎澤入淮。千有餘里。更名之曰通濟渠者。隋大業之初也。裴耀卿言江南租船自淮西北泝鴻溝。轉相輸納于河陰含嘉太倉等倉。凡

三季運米七百萬石者。唐開元之際也。後世因其利焉。太宗嘗命張伯論著其興鑿遭運之本末如此。宋至道之間也。蘇氏曰。自淮泗入河。必道于汴。世謂隋煬帝始通汴入泗。禹時無此水道。以疑禹貢之言。此特人不攷耳。禹貢九州。皆記入河水道。而淮泗獨不能入河。帝都所在。理不應爾。意其必開此道以通之。晉王濬伐吳。杜預與之書曰。自江入淮。逾於泗汴。沂河而上。振旅還都。以濬舟師。可知汴水大小。非隋煬開創也。陳後山曰。漢末河入汜。永平道至千乘入海。而河之故瀆。在新渠之南。水經注所謂絕河而受索。自此始。隋因漢舊。大業合河索爲通濟渠。入淮。而故道竭。今於畿爲白溝。於宋爲沙。於單爲石梁。於徐爲

汴而入於南清。南清故泗也。說文滎爲小水。無所見。別作滎。滎滎深濊。

沅沔卽沅濟。聯亦沅也。○沅卽沅。濟亦作涑。漢地理志沅河惟沅州是也。水經注俗呼爲沅水。山海經曰王屋之山。聯水出焉。漢書曰王屋之山。沅水出焉。李濂曰聯沅聲近也。沅發源王屋山頂厓下。旣見而伏。東出於孟州濟原縣。有東西二源。合流至溫縣。是爲濟水。歷號公臺西南入於河。溢而出河之南爲滎。卽滎波也。又東出于陶丘北。在今定陶縣。又東至于沛。又東北至壽張縣安民亭。合汶水。至今青州博興縣入海。酈道元謂濟水當王莽之世。川瀆枯竭。其後水流逕通。津渠勢改。尋梁甌水不

與昔同然則滎澤濟河雖枯而濟水未嘗絕流也程氏曰濟入河適會河滿溢出南岸溢出者非濟水因濟而溢故禹還以原名命之此解溢字亦通然河濁而滎清非河之溢明甚溢蓋指滎而言非指河也先儒皆以濟水性下勁疾故能入河穴地流注顯伏許慎引禹貢浮于淮泗達于荷音柯焦弱侯主此說南豐曾氏曰泰山北與齊東南諸谷水滙於黑水灣又滙於柏崖灣至渴馬厓下則泊然而止又至歷城西五十里有泉湧出曰趵突泉人謂有棄糠于黑水灣者而見之于此蓋自渴馬之厓潛流地中而至此復出也其注而北則謂之濼水達于清河以入于海舟之通于濟者皆于是乎達也齊多甘泉其顯名者十

數而色味皆同。蓋灤水之旁出者也。東阿井亦濟所經。故膠能下鬲。用攪濁水則清。是濟之伏流乃物性。程氏非之。顧弗深考耳。南北清河皆古濟流也。會泗注淮者。濟之至荷而分者也。東北兼汶與同入海者。濟之正派也。今濁河已行南濟。而北濟自青州博興縣一百七十里至濱州入海。增多漢百七十里。宜禹迹之難考也。荷澤在定陶東北。曹州圖志。濟陰南三里有荷水。俗謂五丈河。今名廣濟河。說文以沛爲沔濟。而別載濟爲出常山郡贊皇山。東入沔。想有同名者。詩出宿于沛。毛氏曰地名。此又一沛也。

蜀江甚多。沔漢實二。○孔安國曰。漾水東流爲沔。與沔合。至漢

中爲漢水。是通稱也。程氏曰：水經敘漢，自西樂城以上爲沔，以下爲漢。後人以南陽水爲沔，非也。一曰：西流南流者沔，東流者漢。按漢或時有言從南陽入褒可漕，此殆南陽之沔歟。司馬徽居沔北，非歟。合溪曰岷江之外，其水有七：出于綿之神泉曰縣水，出于什加之章洛山曰洛水，分流于永康之湔堰者湔水，縣水自縣竹紫巖山逕德陽洛水，自什加入雒。湔水逕導江崇寧九隴濛陽亦入雒。三水皆合于雒。自雒逕懷安、簡資、富順，至瀘與江水會。總曰內水。發源於剛氏道微外，會江油之清川。逕縣潼遂東，至於合，曰涪水。發源于沔之青泥嶺。逕大安利閬果，至合，與涪水會，曰嘉陵水。發源于小巴嶺。逕巴蓬之伏虞西南，以

至於渠曰巴水。出萬頃池。逕明通。又至渠與巴水合。曰渠水。巴渠二水既合。逕廣安新明至合。與嘉陵涪水會。以達于渝。而江始大。此七水與江別合之大略也。由此入中國。分名有三。曰青衣。曰犂山。曰馬湖。青衣出來山。逕嚴道。淇雅夾江而下。犂山出鐵豹嶺。逕漢源。出嘉定之南。與青衣水合入于江。馬湖自譯都流至敘。亦入于江。其旁出于郡邑山澤。自岷至夔。甚衆大者如盛山之萬頃池。則驪流有四。一入于渠。三入於夔。惟漢出蟠冢。分流趨襄陽。竟陵。至漢陽。後與江合。此蜀衆水之大略也。合溪猶未明。江源出金沙。而嘉陵之水。卽西漢。卽漾也。胡文定曰。欲固上流。必保漢沔。或侯築二城。築漢城于沔陽。樂城于城固。卽

今漢中府城固縣。洋縣皆城固地也。漢與江合。今日漢口。古曰沔口。夏侯尚圍江陵。使文聘別屯沔口。止石楚。自當一隊。青龍後屬吳。今漢陽府也。王貢擊侃。督護鄭攀於沌陽。又敗朱伺于沔口。齊張仲傳。梁王出沔口。圍魯山。卽大別山。沔左有郤月城。沙羨縣治也。黃祖所守夏口。卽魯口。山簡奔夏口。庾翼爲荊州治夏口城。據黃鵠磯。邊江臨沔。春秋時謂之夏汭。吳黃武二年。城沙羨。音宜西角爲磯。樓名黃鵠。沙羨卽江夏也。水經注。夏水本江之別出。自江陵東南流。又東過華容。又東至雲杜縣入沔。謂之睹口。冬竭。夏流。智按。是夾港也。何尚之曰。夏口在荆江之中。正對沔口。智按。此指夏口城。卽武昌也。魯肅呂蒙屯陸口。在武昌。

昌蒲圻縣南。卽今蒲磯口也。水出下雋縣西三山溪。沱音口者轉

沱水上承新陽縣之太白湖。東南流爲沱水。逕縣南。注於江曰

沱口。竟陵郡新陽縣分雲杜大者也。郭舒留屯沱口。陶侃刺荆

鎮沱口。陳侯安都討王琳至沱口。後梁華皎與吳明徹戰於沱

口。皆此地。華陽志云。漢二源。東源出成都氏道漾山。因名漾。禹

貢漾流爲漢是也。西源出隴西嶓冢山。會白水。經葭萌入漢。戴

氏曰。有三源。其一在興州三泉縣。總之漢因初源謂之漾。因合

沔而通謂之沔。或謂之羌。今沿漢水而東。有寧羌州。有沔縣。又

東有洋縣。卽古洋州也。洋洋聲相近。寧羌州。漢之沮縣。晉之成

都也。王伯厚斷以爲一。混矣。戴說漢漾沔未明。升菴曰。蘇代謂

漢中之甲出巴者源出西和州徼外經階沔與嘉陵水合閬水
卽漾水也浪漾亦通墊江出江谷澤經仇池出宕渠至巴郡入
江智按桑欽叙漾漢而尾言西漢水又按鞏昌西和縣有嘉陵
江故渡之曰源出秦州之蟠冢至重慶江津縣之嘉陵江而入
岷江者西漢水也所謂導漾爲漢也出漢中府沔縣之蟠冢至
漢陽大別山漢口入岷江者東漢水也所謂沔與漢合也漾至
沮縣卽爲漢水沔水自出成都沮縣東狼谷中漢至鮒嶠山與
沔合曰沮口沮縣今漢中略陽惟漾至沮爲漢而沔又出于沮
縣故言者混

外水卽岷江內水卽涪江中水卽沱江○宋劉裕遣朱齡石伐

蜀寇譙縱衆軍悉從外水取成都臧禧從中水取廣漢老弱乘高艦從內水上黃虎史炤通鑑釋文曰巴郡今之重慶正對上水口右則涪內水左則蜀外水自渝上合州至綿州曰內水自渝上戎瀘至蜀謂之外水按外水卽岷江自重慶上敘州加定是也內水卽涪江自重慶上合州遂寧潼綿是也中水卽沱江自瀘州上富順資簡金堂漢州曰四川者則取岷江沱江黑水白水四大川以爲名爾沈約宋書資江爲中水涪江爲內水它流曰沱潛曰潛○禹貢於梁州言岷嶓旣藝沱潛旣道于荊州又曰沱潛旣道浮于江沱潛漢又曰岷山道江東別爲沱水經曰江水自彭天關東逕汶關氏道縣北東別爲沱漢志蜀郡

郫縣禹貢沱江在西東入江蜀郡汶江縣沱江在西南東入江杜佑通典沱在濛陽郡唐昌縣鼃氏曰今永康軍導江縣西北二十里有沱江漢志水經所志之沱其源岷江是也自導江東南流至彭州永昌縣西爲都江者杜佑所志之沱也自江都至天勅山分而爲二一名瀘水自天勅山十五里復合于都江一名廣濟江自天勅山東流至彭州九隴縣復合于都江自永昌之都江東南流至成都府郫縣北爲郫江者漢志所謂禹貢沱江者也伯厚詩地理攷曰通典沱水在彭州唐昌縣今崇寧縣水經氏道江水東別爲沱云開明之所鑿也郭景純謂玉壘作東別之標今茂州汶山縣梓潼張氏曰凡梁之山左皆曰岷右

皆曰嶓。出于岷者皆爲江。江之別皆爲沱。出于嶓者皆爲漢。漢之別皆爲潛。凡此皆梁州之沱也。漢志又曰沱出南郡枝江縣入江。康成曰華容有夏水。首出于江。尾入于沔。所謂沱也。蓋以此爲荊州之沱。一曰與江別而復入於江曰沱。此則有似于夾江。特其首尾長耳。建安蔡氏曰。枝江之沱水入於江。非出於江也。承天府之潛江。安慶府之潛山。俱有潛水。非首尾如夾江也。沱潛之稱。可謂難明矣。詩江有汜。江有渚。江有沱。沱潛汜渚皆爲通名。故訓潛爲潛流。沱爲沱流。謂與江別耳。

五湖太湖也。○史記正義舊太湖射貴湖。上湖洮湖。滬湖。索隱與郭璞江賦注曰。具區洮滬。彭蠡青草洞庭。或曰太湖與楚州

射陽。岳州。青艸。潤州。丹陽。洪州。宮亭。此未確也。水經注江南東注于具區。謂之五湖口。國語越伐吳。戰於五湖。范蠡返至五湖而辭越。虞翻曰。是湖有五道。韋昭曰。書謂之震澤。爾雅謂之具區。今名太湖。或曰長塘。曰射貴。曰滬。馮衍傳注曰。滬。洮。射。貴。太。以兼小支而得五名也。或曰五灣。曰游。莫。貢。陵。胥。

九江。洞庭也。○禹貢釋文及尋陽地記。以爲烏白江。蚌江。烏江。嘉靡江。畎江。源江。廩江。提江。茵江。張須元綠江圖。以爲三里江。五州江。嘉靡江。烏上江。白蚌江。白烏江。茵江。沙提江。廩江。始于鄂陵。終于江口。會于桑落州。漢志在尋陽縣。此皆泥在尋陽九派也。太康地記曰。劉歆以爲湖漢九水入彭蠡。水經云在長沙。

以恐自誤

下雋西北。胡氏以洞庭爲九江。曾氏謂過九江。至於東陵。東陵
今之巴陵。巴陵之上。卽洞庭也。攷之前志。沅水。漸水。辰水。敘水。
酉水。澧水。資水。湘水。皆洞庭。楚人呼水皆爲江。揭衷熙曰。以岷
江至澧。旁大水入江者爲九江。曰羊山。曰青衣。在嘉入。曰金沙
馬湖。在敘入。曰綿漾。嘉陵曰北涪。曰巴。在重慶合入。曰貴。易江
合南涪以南入。曰方湖之流。北從巫峽入。曰施南之水。南從夷
道入是也。由今論之。何不以鄱。漢。洞庭。而并三夷水。南北涪。與
巴嘉陵爲九乎。

三江不一。○孔安國云。自彭蠡江分爲三。入震澤。遂爲北江。而
入海。孔蓋泥彭蠡旣瀦。而牽合之也。彭蠡震澤入海各殊。而三

江豈可強同乎。虞林猶持孔氏說。與桑欽水經。班固地理志。相附。而乃謂南江自牛渚上桐水。過安吉。歷長瀆。出松江入海者。則又謬甚矣。郭景純以岷澚松爲三江。韋昭以松澚浦陽爲三江。亦疑孔安國之言。而臆說邪。酈道元引以爲據。何哉。程大昌所進禹貢山川道里圖。邊實所修崑山續志。類訛承而舛踵之耳。惟張守節曰。三江在蘇州。自西南至太湖曰松江。自東南入白蜺曰上江。亦曰東江。自東北下三百餘里入海曰下江。亦曰婁江。蓋得之矣。吳地記。與庾仲初楊都賦註。朱長文吳郡續圖。經其所言。雖有詳略。蓋皆本諸守節者也。以今攷之。太湖與吳江長橋東北。合龐山湖者。松江也。又東南分流出白蜺入急水。

澱之山東而入海者東江也。自龐山過大姚東。北經崑山石浦安亭。由清浦入海。婁江也。但澱湖之東流既塞。而安亭亦失其故道久矣。此單錡所謂開白蜆安亭。通龍鎮以入海者也。王介甫云。一江自義興。一自毗陵。一自吳縣。皆小水不合。予瞻云。岷江爲中江。漢爲北江。豫章爲南江。曾氏云。北江中江。皆禹所導。南江乃其故道。故經不之志。余安慶亦號爲三江口。正謂合漢蜀豫章江也。此吳幼清之說也。以江行漢水彭湖水之中。爲中江。人不達禹貢之文辭耳。周禮職方。揚州三江。疏云。江至尋陽南合爲一。東行至揚州入彭蠡。復分爲三道入海。此謬極矣。熙云。按震澤居松江之上。多震動。禹貢既云三江既入。遂云震澤。

底定則守節之論確矣。

沂有二源。○水經云沂出蓋縣艾山。道元則曰沂有二源。一出祚泉。一出魚窮山。又曰沂水北對稷門。魯之城門也。隔水爲雲壇。智按今蒙陰縣東北地名南河川。小阜之下有曰狗泉。此沂源也。東南逕馬頭固山。有泉東流與之合。北望沂山五十里。殊無別源。據周禮沂山因水得名。鄭玄齊儒不應有誤。疑沂山水源古流今竭耳。何振卿名山記沂山瀑數十丈。

丹水有七。○澤州高平縣有洧水。一曰丹水。漢上黨高都縣莞谷。丹水所出。東南入洧水。高都澤州晉城縣。隋曰丹州。漢丹水屬弘農郡。以爲白起坑趙卒。水盡赤。故曰丹水。山海經洛水出

謹舉山東與丹水合。丹水出竹山。洛合丹。然後合尸水乳水。蠱尾之龍餘水。陽虛之玄扈水。自謹舉至玄扈。凡九山。玉板曰倉頡爲帝南巡。登陽虛。臨玄扈。龜負丹甲青文之圖。卽此處也。其內鄉縣之丹水乎。水經注陰溝。卽狼湯渠。亦名汭水。又云丹泌亂流。故汭兼丹水之稱。又水經丹水出上洛冢嶺山。至丹水縣入於汭。逕三戶城。合於南陽之淅水。其逕南鄉縣北。所謂商於之地也。呂覽曰。堯有丹水之戰。以服南蠻。此水也。竹書紀年曰。宋殺其大夫皇緩於丹水之上。是獲渠亦兼丹水之稱。宋虛縣有東丹水。西丹水。出丹山。今作凡山。訛也。夷水逕夷道縣。合丹水。水有赤氣故名。

蘭溪有二。○蘭溪在唐爲兩縣名。一屬蘄州沛水。改爲蘭溪。一屬婺州。杜牧之詩。蘭溪春盡水泱泱。蓋蘄州之蘭溪也。杜守黃州作此詩。黃承蘭溪下流故耳。

浯水有二。○演繁露曰。世傳浯溪。元結自名之。說文浯水出琅邪靈門壺山。入澨。則非元造矣。程泰之獨不引淮南子之隅浯乎。山東之浯。乃吾山之水也。吾山卽奭山。瓠子歌用之。元次山之浯。則在道州。

漳有十一。以清濁合流而名。○趙晉之間有清漳濁漳。沮水逕當陽麥城。與漳水合。鞏昌有漳縣。灝上有漳水。過豫章郡爲章江。漳州有漳浦。亳州有漳水。安州有漳水。卽德安府大洪山之

漳水。此地漢稱豫章。陳留潁水逕城父縣。沙水枝分注之。世謂之漳水。宜章有大小二章水。存中以清濁相蹂者爲漳。章者文也。別也。漳謂兩物相合。有文章且可別也。清漳濁漳。合于上黨。當陽卽沮漳合流。潁上卽漳潁合流。漳州予未曾目見。章郡卽西江合流。毫漳則漳渦合流。雲夢則漳鄖合流。此數處皆清濁合流。色理如蟠螭。數十里方混。

洛水有九。○蜀有雒縣雒水。自章山至新都谷入潁。蜀都賊浸以縣雒。職方氏雍州其浸渭洛。易氏曰左馮翊懷德縣卽疆梁原之洛水。邊有囿洛。北條荆山在縣西。正洛水源也。孔安國注禹貢漆沮亦曰洛水出馮翊北。又一洛水出慶州洛源縣。有於

白山。洛水所出。東流至鄜州洛交縣。又東南流至京兆府雲陽東。又徑同州澄城西北。此皆非導洛自熊耳之洛也。淮南地形訓。洛出獵山。注。獵山在北地西北邊外。洛東南流入渭。詩云。瞻彼洛矣。是也。括地志言出廣州。一名漆沮。至華陰南流入渭。王氏朱氏皆云。詩之瞻洛。尚是東都之洛也。東都洛出弘農。卽上洛縣熊耳山。水經謂出謹舉山。至鞏縣入河。此三洛矣。水經注。又廣漢泉出臨洮西傾山。逕洛和城南。洛和水出和溪。逕黑水城。而北注白水。此一洛也。又有平洛水。出玉女臺下。平洛澗注於潁。是亦洛水也。鵲南溪水注于洛水。洛澗北歷秦墟下注淮。謂之洛口。此又一洛也。琅邪臨沂縣有洛水注之。洛水出太山。

南。或陽之冠石山。此又一洛也。圖書編引延安洛記云。洛水出慶陽府環縣。卽古洛陽縣也。經延安府甘泉縣。卽古雕陰縣也。經鄜州宜君縣子午嶺。至中部縣。入西安府界。經耀州及同官縣。至富平縣。合沮水。歷蒲城同州。至朝邑縣東南入渭。沿河三府之人。至今皆呼爲洛河。漆沮之名。亦不知也。古今郡縣慶陽有洛源縣。延慶有洛川縣。及三川。洛其一也。朝邑有洛苑鄉。水經言延安形勝云。洛水之交。漢志亦云。雍州其浸渭洛。註云。洛水經北條荆山。而東南入渭。此尤爲明證。漢志又云。洛都。襄洛。皆延安近洛之地。略無一字及漆者。獨漢上郡志有曰漆垣。又不知何所指。顏師古曰。洛水卽漆沮也。此後世指洛爲漆沮之

由豈洛亦名漆與。作記者不知鳳輦自有漆沮二水。以二漆爲一水。而莫究其源。但云自同官縣界來。不知自同官來者。洛也。一統志遂言同官之漆。出自鳳翔。不知漆水爲涇汭所閒。其能飛度涇汭來同官邪。秦士徃徃疑此。故詳攷而著之。又按粵西柳州有洛。容縣雲南蘭滄亦名洛。則洛有十一矣。

黑水不一。○山海經黑水出崑崙西北隅。唐書黑水在高昌西北。顧起元曰黑在大幕北。宋謂三姚冢族。沈括云。奉使帳宿其下。山之土石紫黑似磁。下卽黑水。彼謂黑爲盧。水爲龍。盧龍卽黑水也。集韻作黑。柳子厚云。雍西之漆爲黑水。曾子固言棄糠黑水。見于鈞突。贊寧云。悉唐卽黑溪。智按黑水不一。北史元魏

伐蠕蠕。過黑水。蜀南瀘江亦黑水。疑與禹貢入南海不合。今又按之。黑水經三危者屬雍州。在沙州燉煌之東南。勢亦西流入南海者屬梁州。在滇雲嵩筑之南。如所謂葉渝諸川俱黑是也。又云崑崙西南有嘉湖。分爲潞江。大居檳榔安義四大江。皆折數千里入南海而無源。弱水黑水。其入流沙而出此乎。屢按李元陽曰。西洱海出浪穹。是黑水伏流別派也。點蒼山後潯水漾水合。而會蘭滄江入南海。蘭滄卽黑水也。其辨曰。潞江蘭滄皆由吐蕃西北來。潞尚遠。蘭滄至交趾入海。水內爲漢人。水外爲夷人。則禹導惟蘭滄爲近。孟津會有鬻人在北。勝濮人在順寧。地理志。南中山曰昆彌。水曰洛。山海經曰洱水西流入于洛。則

蘭滄亦名洛也。元史至正入季。大理勸農官張大道使交趾。蒞黑水。跨雲南。以至其國。則蘭滄爲黑水明矣。三危山不在麗江。當亦不遠。蓋隴蜀滇鼎大。隴則西南斜長入蜀。滇則西北斜長近隴。蜀則尖長入隴。蜀之間。正如三角旂。黑水之源正在旂頭。故雍以黑水爲西界。對西河而言也。梁以黑水爲南界。對華陽而言也。其太所言分爲二而不俱南流。或所引四大江。出于流沙南一湖者。其弱水之伏流出乎。中履尚有一疑。岷江旁合馬湖。緬甸之金沙江。爲江水之源。而黑水之源。與隴雍近。則無乃穿金沙江而過。如溢爲滎之例乎。抑黑水之源。止於馬湖。緬甸之內乎。抑金沙江曲入吐蕃。而廻入馬湖。合青羊與岷乎。如此

則黃河源。大江源。黑水源。皆崑崙南幹脊上之南北分水乎。俟考。

龍門之名不一。○水經注魏土地記曰。梁山北有龍門山。大禹所遂通孟津。河口廣八十步。巖際鐫踪尚存。有廟祠。前有石碑三。一碑可識。太和中大括地志。龍門在同州韓城縣北五十里。近黃河。禹所鑿。禹貢正義云。龍門在馮翊夏陽縣北。禹鑿以通河東郡之西界也。而史記正義乃云。徐州龍門縣。何也。如以名同。水經注陳畱汭水東。龍門故瀆出焉。屈原過夏首顧龍門。郢之東門也。今廣州府有龍門縣。保寧府昭化縣。鄖陽府延平。尤溪縣。沔縣。峨嵋縣。大同宣府山陰縣。皆有龍門山。漳州漳平縣。

有龍門洞。廣西賀縣有龍門灘。鞏昌成縣有龍門鎮。其名山衡廬台宕。以龍門名者不可勝數。姚文燮曰。黃河自積石折入北方界中二千餘里。若韋精以下。其閒險峻如龍門。稱龍門者不知凡幾。惟壺口以南。乃爲禹所鑿。所謂懸崖千仞。聲若萬雷者是也。

夾右碣石入于河。非長城所起之碣石也。○平州石城縣西南有碣石。卽漢右北平郡驪山縣。水經注曰。驪城枕海。今歷久爲水所淪。入海去岸五百餘里。此則禹貢夾右碣石入于河之碣石也。山海經碣石之山。繩水出焉。注在遼西臨渝縣南。水中。秦皇刻碣石處。通典碣石山在漢樂浪郡遂城縣。長城起于此山。

東截遼水而入高麗遺跡猶存此則又一碣石也今以平州之
赴海者爲右碣石以高麗中爲左碣石漢成東巡海上亦至碣
石今永平昌黎有碣石山撫寧孤山亦碣石也孫閣輔承宗復
關外八城議守覺華島卽截遼水之碣石舊云入高麗乃可以
入高麗耳

郭景下
當有純
字

江南爲夢江北爲雲後人或合稱之○郭景注爾雅以岳陽巴
丘湖爲楚之雲夢非也筆談曰舊尚書禹貢云雲夢土作乂太
宗時得古本尚書作雲土夢作乂詔改從古予按孔安國注雲
夢之澤在江南不然也據左傳吳人入郢楚子涉睢濟江入于
雲中王寢盜攻之以戈擊王王奔郢楚子自郢西走涉睢則當

出于江南其後涉江入雲中遂奔郢則今之安陸州涉江而後至雲入雲然後至郢則雲在江北也左傳曰鄭伯如楚王以田江南之夢杜預注楚之雲夢跨江南北曰江南之夢則雲在江北明矣元豐中予自隨州道安陸入於漢口有景陵主簿郭思者能言漢沔閒地理亦謂江南爲夢江北爲雲予以左傳驗之思之說信然江南則今之公安石首建寧等縣江北則長沙監利景陵等縣乃水之所委其地最下江南二浙水出稍高方土而夢已作父矣此古本之爲允也智謂存中說是然因其同爲湖浸或亦通稱如子虛之雲夢必謂一澤也至吳人入郢之郢乃今江陵存中以爲安陸誤矣李軌讀雲夢平聲燮云地志雲

夢在江北德安。潁水左右諸湖是。左近山稍高爲夢。跨江南北者。言跨江。潁非大江也。

孟諸一作盟豬。卽孟豬望諸。在虞城。○東坡有去杭十五年後遊西湖詩。斷章云。誰憐寂寞高常侍。老去狂歌憶孟諸。高適有兩詩言孟諸。其一云。朝臨孟諸上。忽見芒碭閒。赤帝終已矣。白雲常不還。其後又有封丘詩云。我本漁樵孟諸野。一生自是悠悠者。乍可狂歌草澤中。寧堪作吏風塵下。東坡所用。乃後一篇也。左傳孟諸之糜。爾雅作宋藪孟諸。職方氏青州藪澤望諸。禹貢作孟豬。古文作盟豬。在梁國睢陽。卽今歸德府虞城縣。揭衷熙曰。禹時爲濟水所被。故曰孟豬。

淮源在信陽而入海在鹽城。今爲黃河所并矣。○淮水出信陽州胎簪山。過唐州桐柏山。歷光蔡潁壽盱眙。至淮安鹽城北入海。此故道也。今并于河。丘文莊曰。洪武二十四年。河決原武之黑陽山。壽州正陽鎮。而全入于淮。正統時。又決滎陽。至懷遠入淮。淮獨當大河。又況加清口之沁泗沂哉。賈讓上策不能行。而歲費數百萬。智謂不如聽之。聽之而上策乃可行也。崇禎壬午。賊浚河灌開封。城守且季。亦以河爲救。而汴城爲河矣。文莊若在。不啻嘆乎。此固古今之變。郎仁寶曰。淮源當依禹貢出桐柏山。不可依水經出胎簪山。胎簪低于桐柏百餘丈。源又小。智以爲凡水之源皆小。愈合而愈大。禹貢亦就所見言之耳。桐柏胎

簪皆源也。若江不源金沙而止源于岷，豈足據哉。

漸江卽淛江也。○水經有漸江。山海經有淛江。莊子曰淛河。秦始皇至錢塘臨淛江。吳越春秋曰：越王至浙江之上，望見大越山川重秀，天地再清，漸與浙淛異文耳。避暑錄話曰：桑欽水經兩淛獨略，欽北人，未嘗至東南，但取山海經爲證爾。山海經三天子都狂彭澤，安得至此。今錢塘江乃江北之下流，雖自彭澤來，蓋衆江所會，不應獨取此一水爲名。漸卽淛乎？智按水經曰：漸江出三天子都。注云：山海經謂之浙江。地理志：水出丹陽黠縣。漢志注云：漸江水出南蠻水。而郭璞注山海經曰：浙江出新安縣縣南蠻，東入海。今錢塘浙江是也。黠卽歙也。今始分爲二。

縣。三天子都。今率山張公山也。右水下饒州彭蠡。左水注浙。漸江南有博江。江有靈鼓。成帝鴻嘉封廣德國。漸江逕遂安縣。有四十七瀨。而合桐谿。又合於潛縣北之天目山。水過杭入海。葉少蘊不知三天子都爲徽州率山。故誤謂自彭澤來耳。

什谷卽洛汭。○張儀曰塞什谷之口。卽洛汭。

而銳切

也。河南府鞏

縣洛水東經洛汭北。對琅邪。潛入河。又名洛口。又名什谷。山海經曰洛水成皋西入河。以鞏縣或屬成皋也。什一作尋。書曰涇屬渭汭。孔氏曰水北曰汭。職方氏雍州之川涇汭。鄭氏曰汭。幽地。詩云汭阮之卽。左傳曰會于漢汭。以相入爲說。康成依職方以汭爲水名。所引詩今本作芮鞠。毛氏曰芮。水厓也。陸氏曰芮

本作汭。水之外曰鞠。漢志芮水出古扶風汧縣。職方之汭自爲水名。智按本以內爲汭之義。而因爲水名。康成不善說耳。

聖水。今瑠璃水也。○水經注聖水出上谷。有白魚出穴。逕玉石山。過良鄉縣。合大防山之水。又合樂水。桃水。涑水。涿邪水。孫汝登曰。卽今琉璃河。其蘆溝。卽桑乾與濕水也。范文穆成大使金過涿州。詩曰琉璃河上。看鴛鴦。卽此地。

潦涓。卽桑乾也。○桑乾水卽潦涓水。潛承大原靜樂縣之天池。伏流至馬邑。從雷山陽發爲渾泉。天池澄渟鏡淨。若朝那之湫淵。有人以車墜池。而獲于桑乾。伏流也。靜樂爲唐管州。有管泠山。濕一作水出雁門陰館縣。過代郡桑乾縣南。會桑乾水。又會

如渾水。羊水。崞水。過鉅鹿。會居庸。清。彛水。水經云。過廣陽。薊縣。北。道元曰。薊南七里有清泉河。蓋水經誤矣。此卽濕水同流也。孫汝登曰。廣陽今京師。薊州今大興。大興爲京師首縣。則一處也。或王封堯後於薊。封呂公卽于此。秦滅燕。以爲廣陽郡。今之薊。則古之渙陽也。清泉河上承桑乾河。東與潞河合。入渙陽而枝分。諺云。高粱無上源。清泉無下尾。是也。

沅水。乃沅水也。○水經渭。逕渭城南。而沅水注之。注云。渭城卽故咸陽。漢高更名新城。或元鼎二年。別爲渭城。沅水承皇子陂於樊川。逕杜伯冢下杜城。與昆明池水合。過璧玉門而北流。注渭。亦謂是爲滴水也。呂忱曰。滴水出杜陵。說文滴。涌出也。顏籀

通雅 卷之三
曰此卽今沈水字本作沘與沈相似人因名沈水丁度作沘滴與沘聲通而訛也天文志暈適背穴孟康曰穴或作鏑此可證也滴音訣

沘水口今皖之張家灣也○水經注沘水口水出灊縣霍山西麓所謂天柱山卽皖公尖也曰沘湖卽石門湖也

唐紉口今所謂鰲山也○水經云資水出零陵都梁縣路山注云出武陵無陽縣界唐紉山逕武岡縣縣乃分都梁之所置也以與無陽相鄰則羅公山近之羅公洞口水今爲西濱鰲之水爲東濱又合夫夷水而下寶慶卽古邵陵也紉卽糾字經云過夫夷縣誤矣土人呼夫夷水經夷望溪卽今常德夷綱溪

瓠岡卽瓠子。無定河卽囿水。三戶城在內鄉。漢壽在廣元。○陳後山曰瓠子在雷澤。土人謂之瓠岡。唐志銀州載無定河卽囿水。三戶城在南陽內鄉西南。春秋時卽有此城。漢壽在保寧府廣元縣。關羽封亭侯者此也。越絕書言范蠡生于宛橐。徐文長言范蠡生于三戶城。則三戶其宛橐乎。

澧注於澆。非澧州之澧也。南陽衡山。非南嶽也。澆水卽澆水也。○水經注南陽雉衡山。卽山海經所云衡山。郭璞以爲南岳。非矣。汝水條下有澧水。逕葉公廟北。山海經曰澧水東流注于澆水。孫汝澄澆或作親。按當爲澆。澆水今在南陽。

鴻溝官渡也。今汴河也。汜汜古通而後別也。○河渠書滎陽下

引河東南爲鴻溝。文穎曰卽官渡水也。蓋爲一流。一南經陽成爲官渡水。一東經大梁城卽河溝。今之汴河是也。或曰始皇疏鑿以灌魏。然蘇秦已言鴻溝矣。荇若渠自滎陽五池口東注之。鴻溝卽出河之溝。官渡在中牟臺下。近時屬河陰縣地。有鴻溝。其云官渡臺者。袁紹起土山以逼壘。魏武亦起高臺以捍之。卽中牟臺也。今陽武縣在官渡之南。官渡之西南爲滎陽。成皋汜水。厥倉虎牢。按成皋今爲汜水縣。滎陽故東虢國。秦置厥倉。楚漢戰京索閒是也。漢高帝卽伋汜水之陽。則在曹州。汜水音杞。若侯表汜鄉。侯何成。則音凡。韵會汜在陌韻。曰汜鄭地在許州襄城縣。漢高卽伋汜水。與漢史傳汜邑。汜勝之。皆音凡。而汜在

紙韻江有汜。水別復入也。與日入濛汜同音。又水名在成皋縣。皆音祀。智曰成皋之汜。非漢高卽伏處邪。互引而別其形音。何也。春秋天王出居鄭汜。注音凡。此謂南汜。秦與晉圍鄭軍汜南。此東汜也。毋乃古一字互寫。而後別之。又誤別之乎。史記索隱載汜音有四。音梵音凡音祀音圯。智按祀圯偶通互。而汜汎形訛。故說文以汜汎別之。書仲丁遷于囂。詩搏獸于敖。左傳晉師在敖鄆之間。二山名。敖在滎陽西北臨河。有太倉曰敖倉。在石門之東北。臨汴水。漢高因敖倉築甬道。下汴是也。汜水縣。古東虢國。鄭之制邑。漢之成皋。襄二季城虎牢。卽成皋也。地理志注穆天子傳云。七萃生捕虎獻天子。天子畜之東虢。曰虎牢。

孔明渡瀘。非今之瀘州也。○升菴曰。瀘州古之江陽。而瀘水乃今之金沙江。卽黑水也。其水色黑。故以瀘名之。從吐蕃可跋海入西洱河。曰漾濞水。又出會川。乃爲瀘水。沉黎古志。孔明南征。由今黎州路。黎州四百餘里。至兩林蠻。自兩林南。瑟瑟部。三程至礪州。十程至瀘水。瀘水四程至弄棟。卽姚州也。今之金沙江。在滇蜀之交。一在威定府元江驛。一在姚安之左。郤。據沉黎志。孔明時所渡。當是今之左。郤也。瑟瑟。一作風琶。兩林。今邛部長官司。按一統志。屬四川行都司。

水經敘大江。過會稽。餘姚入海。此桑君長之大誤也。○水經舛誤。酈道元亦屢辨之。至于敘岷江水。至豫章口而止。及敘沔水。

當自漢口入江而止。乃言其過中渚石城。分爲二江。是大小失倫矣。江淮河濟爲四瀆。謂獨爲主也。今顧以沔爲瀆。而岷江附之。失矣。二江調一爲焦山下海之江。一爲丹徒向姑蘇之小河。大小混稱。更失矣。若敘沔至石城。分爲二。其一過毗陵。而南江過寧國。又與桐水合。此皆不能通。又曰松江出馬奇。分三江口。又東至會稽餘姚縣。東入于海。此大誤矣。酈道元全不能正其失。而又曰南江枝分。歷烏程南通餘杭縣。則與浙江合。闕闕十三州志曰。江水至會稽。與浙江合。此尤誤極。浙江卽漸江。自爲一水。豈與蘇松嘉湖之水相通乎。桑鄺皆在北方。宜其誤耳。酈好傳會。紀異聞。舛錯不少。如揣擬天台赤城之流。誤引彌明爲

翳桑之餓可盡舉乎。

墨子相如郭璞孔安國之言江湖皆未考也。○上林賦敘水入川東注太湖郭璞江賦云注五湖以漫漭灌三江而湍沛墨子曰禹治天下南爲江漢淮汝東流江之五湖孔安國曰自彭蠡江分爲三入于震澤後爲北江而入于海此皆未詳考。

鬱水出廣信東入海此應劭之誤也。○山海經曰鬱水出象郡東南注南海入海入項陵東南者也應劭曰鬱水出廣信東入海水經注曰言始則可終則非矣智謂言始亦非蓋漢之廣信爲交州治所卽今之梧州也鬱亦非今之鬱林州其水合牂牁而來卽今左右兩江于梧州始合府江則鬱水至廣信與灘水

合而下端州廣州入海豈始於廣信乎。

唐志總載水數本水經注也。○唐六典水部掌天下川瀆陂池之政令。凡天下水泉三億三萬三千五百五十九。其在中國江河大水也。百三十五水。是中川也。千二百五十二水。是小川也。桑欽水經所引天下之水。百三十七。江河在焉。酈善長注水經。引其支流一千三百五十二。唐志水經桑欽撰。舊志則云郭璞撰。隋志與通典水經無名氏。考儒林傳桑欽君長。漢成帝時人。經云永安順帝更名。是順帝以後纂序。又考經云成侯壘。乃孔明也。河水北薄骨律鎮城。元魏鎮名也。智謂後人沿加耳。後漢書注。凡倭二十篇。一篇言九州水泉所起。金蔡伯堅子珪著水

經補亡四十篇。或云水包地外。出地中。天下川源處處有之。安可悉數。如嶺外之左右江。發源滇黔。經流兩粵。受二十餘水。折三四千里。而南入于海。其勢與淮等。可爲一大瀆。禹時無割湯之虞。亦未詳及。然中國所見者。悉東南流耳。其在崑崙西蒲昌海。折八千里。西入北高海。飲馬。土刺。旺吉。阿魯。札黑。金山。陰山。諸水。在沙漠外。折六七千里。入北水海。安義河。係嘉湖西派。亦受三十餘水。折三千餘里。西南入榜葛刺海。此皆見其源。而不知其尾者。余作禹書經天合地圖。參泰西地毬畫度。補入之。

通雅卷之十五終

通雅卷之十六

桐山方以智密之輯著

同里姚文燮經三較訂

地輿

地名異音

雍州與雍奴。雍丘俱去聲。今梅氏音平聲。○雍奴今順天府武清縣。黃直翁音於容切。水經曰：四方有水曰雍，不流曰奴。寇恂封雍奴侯。雍丘晉屬陳留。古雍國，杞國今爲開封府之杞縣。故城臨汴。祖逖爲豫州刺史，治此。左傳：郕雍曹滕。杜氏曰：雍國在河內山陽縣西。今懷州脩武縣是懷慶府矣。或古雍國地寬耶。雍通作邕。雖籀作邕。

殺祔縣名。在馮翊者。殺都外切。師古音丁活反。祔音羽。又音戶。
○說文殺從示殳。殳也。引詩荷戈與殺。一說城郭市里。高縣羊
皮。有不當入而入者。暫下以驚牛馬。名曰殺。殺祔馮翊屬縣。前
漢郊祀志。鳳皇集殺祔。毛晃曰。監本从衣誤。今西安府之耀州
與同官縣。及延安府之宜君縣。皆其地也。江休復曰。趙師民自
耀州過同州。說殺祔城。有殺祔廟。疑是一兵械。其秦禱兵之祠
乎。又按王厚之印譜。有殺祔丞印。祔作木。

鄜州音孚。左馮翊縣。今屬延安府者。○說文作鄜。鹿與麋聲皆
不諧。不知其故。智謂古孚與包通聲。麋與包近。故有孚音。

盤屋音周室。漢縣。今屬西安府者。○山曲曰盤。水曲曰屋。五柞

宮現在盤屋縣。盤本義。說文引擎也。文見血也。

郃。土來切。一字也。漢志稷封釐。在右扶風。○師古曰。釐讀曰郃。今武功縣。五丈原卽在此。鳳翔郃縣。亦有五丈原。亦有釐亭。郃陽。郃音合。古莘國。今爲西安府之同州。○集韻。莘或作菜。通作藝。史注在陳留。又按鳳翔之郃。亦古郃地。魯又有郃。

鶉觚在涇州。漢屬北地郡。作鶉觚城。在平涼府之靈臺縣。○靈臺周密須國也。蒙恬築長城時。觚爵莫祭。有鶉集觚上。因名平涼。漢安定朝那也。慶陽府。秦之北地。今一統志以鶉觚屬安定。必有疎略矣。

郁郅屬北地郡。○汪泥水出北方界中。有牧師苑官。今慶陽安

化縣。漢郁郅也。慶陽有環縣。環縣有靈武臺。肅宗卽位于此。環蓋古朔方地也。寧夏有靈州城。隋置靈武郡。亦云肅宗卽位于此。寧夏衛屬朔方。赫連勃勃都此。

浩亶。孟康音合門。漢屬金城。今臨洮府之金州也。○靖鹵衛亦屬金城。金城又有令居枹罕二縣。因匡名也。令音憐。枹音夫。今河州衛。隋曰枹罕。

樂涇。音官。酒泉郡所屬縣。○又有天依縣。依音衣。酒泉今之肅州衛也。

稻陽。音固。屬五原郡。○五原謂龍遊原之地。千原。青嶺原。可嵐原。正原。橫槽原。

九變音宗山在馮翊谷口。○相如賦曰夷變築室今醴原縣屯留縣有三變山篆作變從變非。

莫黜丁葛反五原郡之屬縣。○今延安府神木縣卽漢五原河西地本秦九原改爲五原。

褒余卽褒斜。○漢志武功縣斜水出衙嶺山北至郡入渭武功今郿縣也梁州記曰萬石城沂漢上七里南口曰褒北口曰斜長四百七十里武侯嘗出武功屯五丈原卽此路也五丈原在郿縣西南二十五里。

湟中今西寧也。○唐鄯州宋改樂州或讀去聲蓋與潢通積水池也。

龜茲。漢上郡有龜茲縣。音丘慈。○此因有龜茲國而名也。詳見外國名條。

邽縣。音夾。屬汝州。○此乃楚公子圉葬邽敖于邽。杜氏曰屬襄城。宋爲潁昌府邽縣。今時之汝州邽縣也。邽鄆。說文曰河南縣。直城門宮陌地。在臨汝。卽今汝州。河南府之陝州。音閃。古西虢也。篆作𡗗。邽篆作𡗗。夾從二人夾一人也。夾以冉切。說文曰盜竊懷物也。从亦。有所持。或曰字說家所分。

不羹。楚子城不羹。注音郎。今南陽府舞陽縣有定陵城。是其地也。○韻會廣韻陽韻皆未收此字。殆漏失耳。本作更。古陽庚通。

更讀如岡。又轉爲郎耳。

蕘陽卽戲陽。戲平聲。○光武親破五較於蕘陽。注引杜預言戲陽。左傳荀盈卒於戲陽。今彰德府城東有戲陽城。

澠池。澠音勉。漢屬弘農。今屬河南府。○卽永寧縣亦澠池地。淄澠之水。澠則音繩。在今青州府。又漢江夏郡有鄆縣。母杏切。又作旨。冥阨。閼塞皆鄆也。王伯厚鄆閼冥皆音萌。正與旨音近。

閼鄉。閼本作閼。無分切。訛爲受。○弘農湖縣有閼鄉。今爲縣。屬河南陝州。唐之鼎州也。旻火劣切。日使也。又忽域切。則與具通。閼恤皆一音也。郭璞作汝授切。非。

緱氏。緱音溝。今河南府偃師縣有緱山。輶轅山。○左傳欒盈過周。王使候出輶轅。注曰緱氏縣東南。所謂武關者。則在西安府。

之商州。左傳楚司馬起豐析以臨上雒。使謂陰地之命大夫曰。將通于少習以聽命。杜注少習商縣武關也。貨殖傳南陽西通武關。鄖關武關。秦之南關也。今人或指緱氏之轅轅爲武關。則誤矣。

大菩山作大苦。○山海經大菩之山多璵璠之玉。其陽狂水出焉。有三足龜。食之已腫。水經注作陽城大苦口。狂水經綸氏縣南。

濯陽縣屬汝南郡。○應邵曰濯水出吳房東入瀕。瀕七各切。汝南今爲汝寧府。吳房今遂平縣也。汝南有鯛陽縣。孟康曰鯛爲紂紅反。今新蔡有鯛水。方子謙上聲。音紂誤。詳見疑始。

潘鄉卽寤。○孫叔敖子孫所封寢丘也。漢志作寤。世祖更名固始。今屬汝寧之光州。延熹三年立叔敖饒碑。封于潘鄉。卽固始。澱疆。澱水名。一作澱。又作澱。於謹切。○說文曰。水出潁川陽城少室。今登封縣。東至今陳州商水縣入潁。隋之澱州。則又在汝陽縣。

涅。乃結切。○從日土。作皀非。上黨有涅氏縣。因涅水名。南陽亦有涅。南縣亦因涅水。四川亦有涅。漢志益州郡銅潁縣注有談鹵山。迷水所出。東至談藁縣入涅。

縣壅山。一音甕。○水經注晉水出縣雍山。箋曰。孫云壅。山海經作雍。音甕。

蔚州音鬱。今屬大同府。○又西魏蔚州。是今慶陽府合水縣。又後魏蔚汾。在今岢嵐州之興縣。岢嵐音可藍。

崞縣。崞音郭。今屬太原之代州。○九域志有崞山。地理志名山無崞山。而有五臺山。道經以爲紫府。內經以爲清涼山也。今代州仍有五臺縣。漢之慮虜也。與繁峙接界。峙音止。本漢縣。地理志作時。今仍之。

方與音房豫。○左傳城郎注。杜預曰。高平方與有郁郎亭。今澤州高平縣。戰國之長平。漢之泫氏也。秦破趙長平。卽此。顯德元年。次澤州。及劉旻戰于高原。敗之。追及于高平。又敗之。魏相封高平侯。又平涼府固原州。漢高平。據漢志。方與縣在山陽郡。房

豫音灼之音也。

陽夏夏音櫝。○馮異封陽夏侯。陽夏地名。尚德論曰。大康被羿所距。營陽夏城居之。今拱州大康縣是。或讀如字。

後人後數瓦切。梅氏音鎖。本音雖。○卽菱字。菱也。後人縣屬上黨郡。絳侯世家霍人。注音鎖。樊噲傳霍人。注作後人。蓋霍本有雖音。見文選注。

涑水。涑息錄切。音疎。○呂相絕秦曰。伐我涑川。杜曰。出河東聞喜縣。今解州。聞喜縣是。至蒲州入河。今光山有涑水書院。涑水司馬溫公別號。光父池爲邑令時。生光于此。轉注略。涑音疎。沁。音侵去聲。○沁州沁源縣。澤州又有沁水縣。沁州是晉銅鞮

也。

曲逆舊音去遇。當如字。○平城圍解。高祖南過曲逆。改陳平戶牖侯爲曲逆侯。音去遇。顏之推譏之。據孟康曰。中山蒲陰縣。又有曲遇。曹參傳破楊熊曲遇。攻雍麋。曲音丘羽。反遇音顒。此殆關中地。水經注。濡水注。博水濡水出蒲陰縣。回湍曲。復謂之曲逆水。故縣名曲逆。哀四年。齊國夏伐晉。取曲逆。卽漢高帝擊韓王信。自代過曲逆之地也。章帝章和二年。以名不善。改曰蒲陰焉。今澹園與朱光家張位李登猶以曲逆當音去遇耶。或曰。今保定之完縣。乃曲逆侯國。

乾侯音干。○左傳注疏及杜林合注皆不音。漢書注顏師古音。

干。今廣平府成安縣古乾侯地。與乾時春秋地名同音。謂其水嘗乾也。見水經注。說文有鞞。因此立字耳。

襄賁開陽二縣。地理志屬東海郡。賁音肥。○廣記襄賁廢入沂州。臨江縣。沂。魚中魚衣二切。今沂州屬兗州府。後魏比徐州。隋臨沂。唐琅琊也。開陽本鄆國。春秋叔孫州仇城。啓陽。漢避景帝諱改開陽。復靡入臨沂。荀卿子說齊相曰。楚人則有襄賁開陽。以臨吾左是也。今徐青之水。以沂名者三。惟出太山者爲大。酈道元謂一出尼丘。徑魯之雩門。一出太山之冠石山。一曰沂過臨沂之東。承縣之西。下邳縣入泗。以智考之。與河泗合也。泗在黃河南。沂在河之北。豈得言入泗乎。賁之音肥。以墳音轉也。

新鄴音妻。○又十六年盟於鄴丘。應邵曰秦伐魏取鄴丘。漢興爲新鄴。蘇秦說魏曰南有新鄴。則非漢改是名也。後漢郭竟封新鄴侯。注屬汝南郡。故城在今潁州汝陰縣西北。今汝寧府商城縣。漢新鄴也。潁州宋爲順昌府。卽漢之汝陰。今雖分屬鳳陽。然正與汝寧商城連界。又漢廣漢郡有鄴縣。史記注鄴丘又音七系反。今之潼川州射洪縣正漢鄴縣地。射音食。

洹水。洹戶千切。○傳曰濟洹之水。杜氏曰水出汲郡林慮縣。本隆慮。避殤帝諱。音林閭。洹水入張中河。至修入漳。項羽與章邯盟洹水南。殷虛上林慮。今亦屬彰德府。後周分相州臨漳界。置洹水縣。後省入大名府成安。今魏縣古洹水也。山海經神囷之

山黃水出焉。東流注于洹。隋圖經謂安陽河。卽聲伯夢涉之所。洹川直几切。○光武敗莽兵於昆陽。大雨。洹川盛溢。出魯山。南經昆陽城東。北至潁陽定陵入汝。陽處父與楚子上夾泚而軍。泚卽洹字。昆陽城在今南陽府之葉縣。葉音攝。泚則直尼切。水出常山入河。斬陳餘。泚水是也。

閼與韓地。閼音焉。與去聲。胡三省音閼爲遇。○正義秦韓相攻於閼與。而趙奢破秦軍。郡縣志閼與山在磁州武安縣。今磁州屬彰德府。又郡國志上黨涅縣有閼與聚。括地志曰。今名烏蘇城。在潞州銅鞮縣。銅鞮宋之威勝軍。今爲江州。江州之武鄉縣。卽漢涅縣地。又儀州和順城。亦云韓閼與。和順春秋榆城。儀州

卽今遼州。如耳曰：魏伐趙，斷羊腸，拔閼與，是也。羊腸，正義云：太行山阪道名。南屬懷，北屬澤。按秦上黨郡，今澤潞遼沁四州之地，兼相州之半。韓總有之。至七國時，趙得遼沁，韓猶有潞州及澤之半。半屬趙，魏沁州在羊腸之西。遼并代三州，在句注山之南。今太原晉陽西北，通河西上郡關曰羊腸坂，是。通典太原陽曲縣有乾燭谷，卽羊腸坂。後漢鄧訓傳注：今嵐州界。羊腸坂，是也。隋煬登太山，問崔頡，對曰：上黨壺關縣有羊腸坂。又皇甫謐地書云：太原北九十里，有羊腸坂。戰國策說秦曰：西攻脩武，踰羊腸。郡縣志：羊腸在太原交城縣東南五十三里，是有數羊腸坂。

句注。句音鉤。其音章句之句者非也。山在代州雁門縣西北。○蘇厲曰齊反至分先俞於趙。正義至音邢。分當作山。括地志云句注山一名西陁山。俞容朱切。爾雅西喻雁門是也。郭注曰西喻卽雁門。先西聲相近。白虎通曰西方者遷方也。

漳滏屬磁。○吳起曰殷紂之國左孟門而右漳釜。注云水熱若出於釜。故名釜。今在磁州。清漳出沾山大要谷。今太原府平定州樂平縣少山也。樂平卽漢沾縣。濁漳出潞安長子縣鹿谷山。卽發鳩山。東至彰德府入清漳。九域志冀州衡水縣長蘆河。卽禹貢衡漳之故瀆也。洛水至廣平永年縣東南二十里。洛漳合流。二章本入河。河南東徙漳。遂專達於海。趙王謂公子成曰。吾

國東有河薄洛之水。徐廣曰：安平經縣西有漳水，津名薄洛津。袁紹在薄洛津，聞黑山賊信，是也。按漢信都，安帝更名安平。通典貝州經城縣，宋省入大名府宗城縣，在此時爲廣宗縣，屬順德府。漳有十，見前。

番吾卽蒲吾。○蘇秦曰：秦甲渡河踰漳，據番吾，則兵必戰于邯鄲之下矣。括地志：蒲吾故城在鎮州房山縣東，今之眞定府平山縣，卽漢蒲吾也。番當音蒲。史記：番君音婆。嶺南番禺音潘。

鄆城音絹，屬濮州。○古顓頊之墟曰：帝丘，夏昆吾氏所居。春秋衛成公都此，漢鄆城，隋濮州，今仍爲濮州，屬東昌府。魏武之興，全賴荀彧爲守鄆城。呂布攻鄆城不下，西屯濮陽。操曰：布不能

據東平。斷亢父泰山之道。吾知無能爲也。濮陽今屬大名之開滑。昆吾之伯。想兼有之。亢父屬東平國。正義曰。故城在兗州任城縣。今之濟寧州也。沛公還軍亢父。光武征龐萌至亢父。

于越卽於越。作于者非也。○荀子勸學篇于越夷貊之子。注于越猶言吳越。呂氏春秋荆有欽飛。得寶劍于于越。高誘曰。于。吳邑也。方子謙收入寒韵作于。智按是于字。于。粵猶句吳也。王會篇曰。於越納補。注曰。春秋定哀三書於越。漢書于越。注于。發語聲。子謙或據前人小說。須知與豸鳩同誤耳。

澶市連切。衛地。○杜氏曰。在頓丘縣南。今名縣汚。衛地也。汚音紆。宋禦遼于澶淵。今大名府開州滑縣。是古衛地。頓丘。一作敦。

丘亦其地也。

平谷音裕。○問奇集曰裕峪同。今屬順天府。梅氏峪音育。廣韵韵會諸書皆無峪字。智按此人呼谷爲裕。猶呼綠爲慮也。

鄆縣貫縣屬鉅鹿郡。○師古曰鄆若么反。貫式制反。王子侯表貫鄉侯平。音式制反。當是貫字訛爲貫也。

督亢音剛。○燕丹獻督亢圖。水經注涑水一名巨馬河。合流督亢溝。水耗則伏。而顯于迺縣。包方城縣爲督亢澤。涑志有督亢亭。固安縣有督亢陌。督亢澤南爲白溝水。又鳳陽懷遠縣有督亢城。

迺古迺字。屬涑郡。○亦見侯表。朔方郡又有呼迺縣。

蓍音條。○河間府景州。春秋晉條地。漢廣川。隋蓍縣。高允封隆之皆蓍人。

瀕水音輦。卽沅水。○山海經王屋山瀕水注於泰澤。水經注箋引此瀕水。智謂卽沅。見前充濟條。

宛胸音寬。劬。今曹縣。○靳歙以中涓從起宛胸。歙音翕。徐廣曰。煮棗城在宛句。大宛國之宛。南陽縣之宛縣。皆音鴛。

荏平音之疑切。今屬東昌府。○漢東郡有荏平縣。泰山郡在荏縣。今訛爲荏。音持。貨殖傳山不荏槩。師古曰。古槎字也。

單父音善甫。○呂覽言宓子行其術于單父。猶禪禪壇壇之類。可知。古單單皆有二音。必讀善甫者。亦一儒之音釋也。

幟縣音堅屬東萊郡。○有鹽官。呂忱爲幟令。今通考引用皆省作弦。

費縣音秘音蜚。○後爲姓。或作酈。趙明誠曰費長房費禕音蜚。琅邪費氏音秘。

瓠屬北海郡。○師古曰卽執字。北海又有平的縣。

潞水盧谷切。又郎狄切。○魯會齊侯於潞。杜曰水在歷城西北入濟。說見濟下。問奇集音粕。兗州府東平州梁山潞。當音泊。

負尾卽陪尾。○泗水出兗州府泗水縣陪尾山。經曲阜滋陽濟寧。又韵會陪尾山。漢地志作倍尾。江夏安陸橫尾山。水經注洛水過五零陪尾。北與澗瀍合。今德安府城東北有陪尾山。三輔

黃圖蕢陽宮。蕢音倍。可知古通用矣。
乘丘。千乘皆去聲。○今濟南府濱州。漢千乘地。爾雅如乘者乘
丘。注形似車乘。謂稻田塍埒。莊十年。公敗宋師于乘丘。屬漢泰
山郡。集韻塍。塍埒。卽說文之塍。

鄆城音運。○今屬濟寧府。乃漢廩丘地。隋爲鄆城。唐爲鄆州。宋
平州則隋之鄆州也。青州沂水縣。乃春秋鄆邑。古今錯亂。大爲
難記。如濟南府齊河禹城縣。皆漢祝阿地。而祝阿城。乃載於三
清。長清又載爲漢廬縣地。武王封黃帝後於祝。在此。如鄆城爲
漢廩丘。而廩丘城又在東昌府之范縣。至廩延則是酸棗。今爲
開封延津縣。漢志琅邪郡東莞。莞音官。故鄆城有術水。卽沐水。

也。今廣州又有東莞。

吾山在東阿縣。吾音魚。○漢武瓠子歌云。功無已時。今吾山平。卽此。瓠子曰。宣房在大名開州。其下流經此。漢東海郡有郛鄉縣。亦音魚。

濕卽溲。他合切。○說文曰。水出東郡東武陽。元爲開德府朝城縣。今朝城屬東昌府之濮州。本商土畿地也。漢志作溲。禹貢浮於濟溲。累於他合之音難諧。漢平原郡有溲陰縣。佩觿集曰。有以水名之。濕爲下濕者。六書故曰。濕。說文曰。從日絲。微妙也。從日中視絲。古以爲顯字。或曰讀若銓。或以爲繭。繭者絮中往往有小繭也。孫氏五合切。疑此卽繭。而又讀若榻。漢碑溼溲多通。

詳見禰說。

不其如淳音基。縣屬瑯琊郡。○有太乙祠明堂。弱侯論不字如專。

垺。卽斟鄩故城。在青州北海郡。○今斟灌城在壽光縣東。地理志作垺。今垺城是。

黃堍。賈魯河道。○自黃陵南達白茅。放於黃堍等口。卽今賈魯河故道也。白茅在曹縣。黃堍在單縣。萬曆丙申黃堍河決。由賈河故道出符離集等處。蓋卽元人所挑矣。

濡水音乃官反。○漢志遼西肥如縣。注青水東入濡水入海陽。王莽曰肥而。師古曰濡。乃官反。今字書韻書皆無此音。

通雅 卷之一
軼音大屬江夏。○漢王霸子符徙封軼侯。後漢書作軼。音大。智按說文軼特計切。韵會引漢地理有軼縣。徒蓋切。而唐韵韵會銑韵無軼字。可知軼訛。

泚水出茶陵縣。○地志謂之泥水。洋湖所注也。上有峨山。酈道元味曰登武陽觀樂藪。峨嶺千蕤。洋湖口。

樂浪音狼。○漢置元菟樂浪。樂浪有訃邯縣。訃音男。後漢王景八世祖仲。以濟北王興居反。欲師仲。仲奔樂浪。家於訃邯。又有不而縣。而或音倪。文有黏蟬縣。服虔曰蟬音提。

錫縣。漢屬漢中之縣。應劭音陽。○師古曰。卽春秋所謂錫穴也。

隋曰鄖鄉。唐曰南豐。曰浙川。此時爲鄖陽府。今一統志音釋不。

詳何恠時人之呼爲錫耶弘農郡注有甲水出秦領山東南至錫入沔卽此也譙周子同爲錫令

恨山縣屬武陵郡音恨○出藥艸蔡邕傳卓自恨用恨當與恨同篆當作𠂔王莽兒恨元命包曰愀然恨然注戶懇切

茶陵屬長沙國小顏音式奢反○益知古人呼茶爲塗而古之茶卽茶字也

潁水出豫章艾縣○左傳吳公子慶忌諫夫差不納居於艾是也水過長沙羅縣積爲町湖

郁鄢水經注音存焉漢縣屬犍音虔爲在朱提音時旁○六書故作

孱鄢則王莽時改也犍爲屬嘉定之縣古爲郡名如馬湖府及

敘州之長寧縣眉州之青神縣卽青衣皆屬漢犍爲犍爲有牛
鞞音解縣劉裕遣臧熹同朱齡石入蜀譙小苟塞打鼻熹至牛脾
進攻卽牛鞞也青衣禹貢蒙也有大渡水至南安入泚音哉高守
恒詩擬爲牛鞞朱存馬豹領蛾眉青合羊亦巧語也証知存馬
加邑旁耳

冉驪音龐今四川之松潘地也○武帝開冉驪爲汶山郡唐置
松州宋爲茂州灌疊皆所屬維州在其外

邪龍屬益州孫恂音邪爲牽○升菴曰孫恂音邪龍爲顛智按
唐韻與汧𧈧雅拜列疑是邢之訛

收靡縣味縣皆屬益州○李奇曰靡音麻升麻所出孟康曰味

音昧

監町山從陟山皆屬益州。○益州律高縣有監町山出銀鉛師古曰監音呼賜反來唯縣從陟山出銅陟音胡工反益州又有葉榆縣葉如字人或誤讀爲攝有葉榆澤在東貪水首受青蛉水南至邪龍入僕水又有不韋縣智按常璩南中志漢或置儁唐不韋二縣徙呂嘉子孫實之因名不韋以彰先人惡行人歌之曰漢德廣開不賓渡博南越蘭津渡蘭滄爲他人胸臆屬巴郡。○其地多此蟲遂以爲名問奇集音瞿閩字彙胸作胸音潤戴氏亦云胸訛爲胸也胸尺尹切臆爾軫切則瞿閩之音誤矣今夔州府雲陽梁山二縣是

弼頭音奇。譯名。○常璩巴志言狂胸臆。華陽國志言張儀城江州。司馬錯自巴涪水。取楚商於之地。爲黔中郡。白虎爲患。有秦精者。作白竹弩殺之。秦王刻石與盟。其時號白虎復夷。卽今弼頭虎子也。西漢時有扶徐。荊州着石。楚訪有弼頭白虎復夷。又曰板楯蠻。卽今弼頭虎子。弼強貌。

鄭亭。居容切。○晉郭璞傳有物大如水牛。到宣城下。璞卜曰。是鄭亭驢山君鼠也。智按南康志有鄭亭湖。鄭亭廟亦作宮亭。其廟神能分風。景純所言驢山。得無卽廬山神乎。冷齋夜話載安息王子高安世。次鄭亭湖廟。廟神言多喚至此。求爲作寺。正此地也。

剡溪。今紹興。音閃。○見梅氏音注。智按古皇剡剡。卽光睽睽。音義與閃同。

公猶。今之泗州。○通典泗州漣水縣。漢公猶縣。南齊設冀州。治漣口。智按郡縣志。沐水俗名漣水。今沐陽縣也。漢之公猶。今泗州也。春秋仇猶國。今之大原府孟縣也。有仇猶城。智伯欲伐公由。遺之大鐘。卽此。羅氏路史。謂智伯所伐爲漣水。大誤矣。公由仇猶字通。國策作公由。史樛里傳作仇猶。韓子仇繇。高注。或作仇首。呂覽作公由。訛爲夙由。皆一也。

新淦。音甘去聲。屬臨江府。○又姑南切。南越地名。漢嚴助傳。處之上淦。說文淦水入船中也。一曰泥也。一作汧。

虹縣。今呼爲絳。○水經注溝首對獲。世謂之洪溝。昭八年蒐于紅。杜預曰沛蕭縣有紅亭。卽地理志之虹縣。王莽所謂貢也。漢碑曲紅卽曲江。貢虹紅洪相通可証。以知北魏時三江猶屬東冬同音矣。

鄆音多。沛郡之縣。○功臣表有鄆侯。師古音多。智以爲此單音之轉。

虔亭。虔音逞。吳地。○蘇峻亂立大業曲阿虔亭三壘。胡身之作丑升反。

龍兗音奪。○見張佖音注。史記樊鄴傳戰龍脫在易州。趙世家孝成王丹十九年。趙與燕易土。以龍兗汾門臨桑與燕。龍兗邢

了勵趙記所謂龍山四麓各有穴出風者也。以兌或爲脫則音脫耳。

橐皋漢縣與浚遒屬九江郡。○孟康音拓姑詳見疑始。

羸陵漢縣與龍緬朱戴屬交趾音連樓。○見孟康音注今唐韻先韻中竟造一羸字。

差冷卽壽冷屬交趾音麋零。○馬援傳徵側爲麓冷縣雒將之女韻會引縣名作差冷水經注曰盧容水逕區粟城與壽冷水合朱謀埜箋曰晉志作麓冷沈約宋書作壽冷今從宋志。

牂牁音近臧戈繫船楸也。○漢書作牂牁郡地故且蘭且音直沅水所出或作牂牁亦作椿柯常璩作戕牁郭忠恕作戕戕引

玉篇繫船大杙也。今刻佩觿集編作或或或。以或爲成。升菴作
戩戩。言貴州江難渡。兩岸立兩杙。舟人循繩而渡。盤江崇安江
皆然。因悟古人字義。按水經注箋。盤江在賁古縣南。朱哀之反。
李恢追至盤江者也。此本是監町山水。監音呼鴟反。訛爲盤耳。
智疑盤訛爲監。有鬯縣不狼山。鬯水所出。音蔽。又音鼈。有句町
縣。音劬挺。談拒縣。拒一作指。夢得玉澗雜書曰。潯陽記郡西松
言陶公牂牁伐此樹。淵明搜神後記言新淦封溪有吳聶友。截
梓樹板濤。牂牁處。則此語晉時猶存。

同龠音伴。縣名屬牂牁。○漢昭紀同龠二十四邑。又西南志傳
牂柯同龠。漢書亦借龠爲傍字。此龠音笨。乃並之粗唇聲也。

越雋漢郡音髓。○其縣有邛都定祚大祚祚秦濤街蘇示師古
曰示讀如祗。尸江在西北。尸古彛字。越雋今爲四川行都司。猶
有武侯城。是五月渡瀘處。非內溪合江之瀘水也。
夷人爨人卽今雲南之黑羅羅白羅羅也。○又有麼些秃光些
儂人沙人。瀾河尋丁蠻栗些之類。古曰鳥蠻白蠻。今偏沅之間
曰黑苗赤苗。

滇迤漢所云靡莫也。○元封中以兵臨滇王舉國降。

且慮音苴廬。又音秋閭。屬遼西。○隆慮以避諱音林閭。在河內。
夏馥所入山也。又無慮在遼東。取慮在臨淮。昌慮在東海。漢志
俱音閭。取慮音趨閭。

爾稽卽尼谿。○史記孔子世家齊景公欲封孔子以尼谿之田。晏子春秋外篇公悅之欲封之以爾稽卽尼谿。峯山音密。○山海經峯山淵明詩乃在峯山陽鄭鄭取以爲號。今廣韵字彙皆遺。

亞駝卽噶沱。一作虔池。惡池呼池惡沱虔勺。○史蘇秦說燕南有噶沱漢光武紀至噶沱河周禮職方并州川虔池山海經秦頭之山共水出焉南注於虔池又禮記晉人將有事于河必先有事于惡池卽虔沱秦穆公伐楚詛楚文曰告盟于丕顯亞駝大神卽噶沱之神韓非初見篇中山呼沱以比不戰而畢爲燕法言吾子篇浮滄海而知江河之惡沱注惡沱淺水也音義同。

博南言山海經虢勺一作多卽滹沱也此水自代郡鹵城今繁時也流至參合雲州文安霸州入海光武所渡在定州今日危渡口

焦國卽譙國○焦澹園曰焦國名又姓一作譙國名記焦譙一也江淹詩焦山作譙山可証

什方卽什邡○漢書張良傳漢高帝惡雍齒欲殺之用良計封爲什方侯猶言釋放後漢儒林傳楊仁拜什邡令注益州縣名音十方

離枝卽令支○史齊世家桓公北伐山戎離枝孤竹地里志遼西令支縣有孤竹城離令聲近令音零

通雅
數倭。卽肅慎。○後漢東譯傳挹婁古肅慎之國。孔融傳肅慎貢
楛矢。丁零盜蘇武牛羊。文苑傳杜篤論都賦。所稱昆彌數倭。卽
肅慎。按周禮大司馬大獸公之注。獸五歲曰慎。亦作慶。禮逐疫
與挽歌用倭童。倭慶慎互通。王會又作稷慎。史記作息慎。後爲
女真。遼興宗名宗真。改爲女直。

離隼卽堆。○前地理志。李冰鑿離隼。晉灼曰古堆字。晉胡奮傳
作離埏。河渠書離碓。集韻堆又作匪。泊隼。升菴引周憬碑作犁
魁。同李冰穿二江者王壑。

苟肩卽勾漏。○晉書葛洪傳聞交趾出丹砂。求爲勾漏令。縣名。
前漢地理志。交趾郡有苟肩縣。卽勾漏。

子同卽梓潼。○王莽自云定命子子同卽此地也。

山山后偶二音。○升菴言宜興漢封蔣澄爲山亭侯。當是函字之省。陳懋仁音后。今桐城有山山音偶。

西洱。一作西洱西。二西洱。○唐鑑玄宗戊寅皮邏閣疆大注身之曰洱河。卽西洱河。今作西洱。漢志作西洱。升菴引隋書作西二。

五阮卽五原。○說文阮代郡五阮關也。升菴云詩侵阮徂共卽五原之地。今作原。智按張氏曰阮國名。共阮之地名。皆在今涇州。今有共池。詩地理攷注云。氏族畧。阮商諸侯在涇渭之間。漢五原郡邊河西。今時延安府神木縣皆其地。本秦九原郡。漢改

五原而絳州遼州皆有九原山乃同名也五阮自爲五原而侵阮之阮則別一阮耳升菴想未考也

罷谷音擺○山海經洱水出罷谷山罷皮買切王僧孺姪人怨以罷叶解買余亦謂方言之罷音擺淮南拘罷亦音擺古蓋有此音

邾卽耿○史殷紀祖乙遷于邾索隱曰邾音耿今河東皮氏有耿鄉正義絳州龍門縣耿城是則此邾非邢洛之邾詩地理攷引通典邢州治龍岡縣祖乙遷邢卽此則杜佑與王應麟皆失考邾邾州今北直順德府存考

鐸于縣屬北海以其形似鐸于而名○樂器之圓敦者名鐸鈺

山海經。巍山是錚于西海。又竹山錚于江。注錚猶堤錚也。敦堆聲近。蓋山川之形有似圍堆深筭者。如玉甌峰。鉅鋤潭之類。大岨。○書至于大伾。陸作大岨。一作大伾。史記作大邳。

豐鎬。○漢書傳復居于豐鎬。封禪書豐滈有昭明。○壺鮐卽狐貍。見檀弓左傳。○鄴丘。公羊作犀丘。穀作師丘。石經作菑丘。

金潏。交趾地名。○張籍蠻中詩。銅柱南邊毒艸春。行人幾日到金潏。水經注所謂金潏清渚也。今刻本作麟非。范石湖言交趾鶴扇螺笠。貴人坐輓車挂幅內曰抵鷄。上已拋毬曰飛馳。其論交趾交脛而今不交則迂矣。

鰐得。鰐音鹿。張掖郡所屬縣。今之甘州卽張掖也。○樸剝音蒲。

環或威所屬縣。又有蒼松縣。古松字。○允吾音鉞牙。屬金城。今莊浪。○楮次音苴咨。屬或威郡。○渠搜朔方之縣。禹貢渠叟屬西戎。而漢縣之。○大曼古曼字。北地郡之縣也。當是曼字。○烏氏音馬支。索隱曰烏。於然反。屬安定郡。○朐卷音旬箇。二縣皆屬安定郡。○蓮勺。師古音輦酌。左馮翊地。○平輿。水經注汝水過平輿縣。朱謀埭曰輿音豫。○狝氏音拳精。縣屬代州。○涅陶卽汪字。从出从土。屬雁門郡。○卽裴音肥。漢縣。屬魏郡。今大名彰德地。皆漢魏郡也。○魋題。師古曰魋。古莎字。漢屬清河郡。○雒瞽二字。工豆莫豆反。屬上谷郡。○犀奚。犀音題。或作蹄。屬渙陽郡。○獠。蔡謏音由。又音鴉。屬濟南郡。○高原。山名。壺山。浯水。

所出入淮屬琅琊原卽柘字。浯音吾。○盧維職方兗州其浸盧維音雷灘。○番汗音盤寒屬遼東郡。○汨羅音密在湘陰縣屈子沈處。○徙縣屬蜀郡師古徙音斯。○鄴水在蜀郡源縣音壽。○毋椏與椏同屬益州。○岷縣音盛或作邛在紹興又平聲亭名在吳。○葦里顧野王曰洛陽有葦里音魂又作渾升菴音塊殊是。

曲紅卽曲江見漢周府君碑曾子固言之甚詳。○濫江卽烏江見玉篇。○無慮卽無閭見九域志引醫無慮山。○西虞卽西吳管子。○賁隅卽番禺山海經桂林八樹作賁隅。○櫟榆櫟榆皆葉榆國。○荆荼史記引荆舒作荆荼。○戶孫卽烏孫國見呂覽。

○博狼卽博浪漢書○賁渾卽陸渾見山海經乃商之訛○餘
汗卽餘干漢書○烏亘卽烏桓晉書作烏丸○西零卽先零○
銅瀨卽漢志同勞地在益州見水經注作銅瀨○天苴張儀傳
天苴卽天巴○鄧城卽訾城左傳注○銅庭卽洞庭山海經○
罌罌卽之罌見張九齡詩○扶掃卽扶浸史記○蕩陰卽湯陰
九域志○終隆卽終南淮南子○陳寔卽陳寶說文引陳寔赤
刀○埤野卽牧野說文○榆次卽榆次山見山海經○有鄆卽
有扈史記○剗道卽棧道史記田叔傳○四竇卽四瀆周禮注
○終髮卽窮髮南荒地莊子○垺澤卽榮澤杜預引竹書紀年
○汎國卽豳國爾雅○邛懋卽邛熨漢碑○三峽卽三峽見升

菴引字誤○倉吾卽蒼梧見汲冢○芮隗隗與鞠同漢地志注
韓詩皆引芮隗之卽周禮注作納隗又作坭九乃上聲毬轉入
爲鞠故蹴鞠卽擊毬○祁黎左傳隱十一年會時來公作祁黎
左文作邾滎陽縣東有釐城○歐蛇桓十二年左傳盟于曲池
穀作油池公作歐蛇○須眇左作伐邾取須句公作須眇○首
戴僖五年左會首止公穀俱作首戴○泥母左寧母穀作寧母
杜注高平方與縣東有泥母亭母又音無○訾樓僖三十三年
伐邾取訾婁公作叢婁穀作訾樓○垂欽左文二年盟垂隴公
穀作垂欽○斐林宣元年會蜚林伐鄭公作斐林注引禮記必
將有事于蜚林卽配林○無婁宣十五年會無婁公作牟婁袁

婁作爰婁○貿戎成元年王師敗于茅戎公穀作貿戎○瑣澤
成十一年會瑣澤公作沙澤○茗丘公作招丘○善道襄五年
會吳于善道公穀作善稻○偃陽襄十年滅偃陽穀作傳陽○
大鹵公穀作大原○屈銀公羊屈銀左作厥憇○臯鼬公羊作
浩油○藻蔕定十五齊衛次于藻蔕公作蘧蔕○郕公作盛○
祊穀作會于防公亦作邴○夫鍾作童○奚作郎○禱作郛○
滑作郎○檉作杙○酈作犁作麗○下陽作夏陽○孟公作霍
穀作雩或作宇○緡作閔○蓼作鄴○辰陵作夷陵○鄆作運
○鄆作櫟○郛作詩○桃作洮○祝柯作祝阿○此俱字同音
異與音同字異者

通雅卷之十七

桐山方以智密之輯著

同里姚文燮經三較訂

地輿

九州建都考略

九州分合以禹所作者爲正。○周禮疏云自神農以上有大九州黃帝乃於神州內分九州。騶衍所云赤縣神州是也。外有大瀛海大九州淮南墜形訓東南神州農土正南次州沃土西南戎州洊土正西弇州開土正中冀州中土西北台州肥土正北濟州成土東北薄州隱土正東陽州信土臆造名耳。帝王世紀云冀充青徐揚荆豫梁雍九州。顓帝所建帝嚳受之。葉氏曰祭

法其工氏霸九州其子曰后土能平九州九州之名舊矣舜十二州冀兗青徐揚荆豫梁雍幽并營漢地理志云堯遭洪水天下分絕爲十二州禹平水土更制九州與孔馬之說異禹九州冀兗青徐揚荆豫梁雍帝王世紀云堯遭洪水分爲十二州今虞書是也及禹平水土還爲九州今禹貢是也山海經稱禹使大章步自東極至于西垂二億三萬三千五百里七十五步豎亥步南極盡于北垂如之言步筭也爾雅九州兩河間曰冀河南曰豫河西曰豳漢南曰荆江南曰揚濟河間曰兗濟東曰徐燕曰幽齊曰營孫炎曰此蓋殷制以異禹貢周禮耳陸氏曰禹貢有青徐梁而無并幽營爾雅有徐幽營而無青梁并職方有

青幽并而無徐梁營蓋周九州揚荊豫青兗雍幽冀并又中土
作白土台州作柱州濟州作玄州薄州作咸州信土作申土
四極四荒非立圓當以地球五大州準之○爾雅泰遠邠國濮
鈇祝栗曰四極觚竹北元西王母日下曰四荒邠說文作汭國
觚竹者漢地理志遼西令支有孤竹城在平州盧龍縣南唐平
州今永平府也北元者卽日南郡西王母者西荒經崑崙之丘
有人戴勝虎齒曰西王母穆天子紀其跡于弇山名曰西王母
之山日下者日所出處其下之國倭一名日本自云國在日邊
呂覽曰東至開梧南撫多類西服壽靡北懷儋耳四極內東西
五億有九萬七千里南北亦然尸子曰有君長者東西二萬八

千里南北二萬六千里。張平子靈憲云：八極之維，徑二億三萬二千三百里。南北則短減千里，此非立圓也。今太西以天球地球應度，二百五十里移一度，則知地周九萬里。計地面至中心，隔一萬四千三百十八里，零十八丈。愚者歎曰：莊子以六月息九萬里，表法已知之邪？極九六而闡合耳，十二而舉其半，猶六爻之藏萬理也。騶衍大九州，縣臆耳。修多羅香水華藏圖，如塔然。表心量耳。今資太西之質測，以証周髀歸于河洛，則不定皆一定矣。乃悟聖人之差別智，本易簡也。

郡縣大小不一。春秋郡屬于縣，戰國後縣屬于郡。○周書作雒篇曰：千里百縣，縣有四郡。說文引之。智按：周官有在鄉之縣，有

在遂之縣有采邑之縣有閒田之縣故王畿謂之縣其名不二
有以一村爲一縣者矣呂氏曰春秋時郡屬于縣趙簡子誓衆
所謂上大夫受縣下大夫受郡是也戰國時縣屬於郡秦紀惠
文十年魏納上郡十五縣是也方孝公商鞅時并小縣爲大縣
縣一令尚未有郡牧守稱及魏納上郡之後十餘年秦紀置漢
中郡或者山東諸侯先變古制而秦效之與戰國策楚王以新
城爲主郡是也漢興置大諸侯王國成帝開廣三邊故自高祖
增二十六文景各六成帝二十八昭帝訖於孝平凡郡國一百
三侯國二百四十一晉志云郡國一百十一而漢志云一百三
或有未考也元封五年初置部刺史十三人通典云十三部不

常治。後漢司隸治河南。今河南府。豫治譙。今亳州。兗治昌邑。今
兗州府。金鄉縣。金鄉猶有昌邑城。徐治郟。今邳州。青治臨淄。今
青州府。涼治隴。今鞏昌府之秦州。秦安縣。非今鳳翔府之隴州
也。并治晉陽。今太原府。冀治鄆。今真定府。趙高邑縣。幽治薊。今
北京。揚治歷陽。今和州。荆治漢壽。今常德府。或陵縣。益治雒。今
成都府之漢州。交治廣信。今梧州。關中復置雍州。後罷。興平元
年。分涼州河西四郡爲雍州。是爲十四州。三國魏州十二。蜀置
益梁二州。吳置交廣荆郢揚五州。晉平吳凡十九州。南北僞大
自侈而已。隋改州爲郡。凡郡一百九十。唐改郡爲州。太守爲刺
史。分十道。凡州府三百一十五。而羈縻之州。蓋八百二十四都。

督開元二十一年分十五道置採訪曰京畿治西京城內曰都畿治東都今河南曰關內多以京官遙領曰河南治汴今開封府曰河東治蒲今蒲州曰河北治魏州今大名府曰隴右治鄯州今西寧衛曰山南東治襄陽曰山南西治興元今漢中曰劍南治成都曰淮南治揚州曰江南東治蘇州曰江南西治洪州今南昌曰黔中治黔州曰嶺南治廣州置十節度嶺南五府經略此外長樂經略東萊東牟兩守捉宋二十三路至道三年定十五路咸平四年分川陝爲四益梓利夔天聖分江南爲二康定二年分陝爲四秦鳳涇原環慶鄜延慶曆四年分河北爲四定州高陽真定大名皇祐三年分淮南爲二揚廬熙寧五年分

京西爲南北陝西又爲六路八年分河北爲東西共二十三路
元以各州爲路分爲行省今時仍省名改爲府雲麓漫抄言漢
刺史無所處之地以戴叔倫撫州廳壁記云居靡定處權不牧
人遂確以爲無治所此未見通典邪居靡定處言出巡耳

古都○處義鞏昌府秦州人都陳今陳州宛平今時陳州屬開
封府陳州見有伏羲廟及陵○神農隨州人都陳又徙營曲阜
春秋稱魯大庭氏之庫○黃帝陝西中部縣人都涿鹿上谷之
涿鹿世本云涿鹿在彭城則上谷亦名彭城或曰都有熊河南
新鄭是也涿州今有涿鹿驛而保定府乃秦之上谷鉅鹿漢之
涿郡今保定府有涿鹿山黃帝破蚩尤于此○少昊自窮桑登

伋徙曲阜。○顓頊自窮桑徙帝丘。東郡濮陽是也。濮陽故城在今澶州濮陽縣東。明朝爲開州。郡縣志載高陽故城在汴州雍丘縣西南。或曰顓頊高陽都杞。○帝嚳都亳。河南偃師是也。堯舜禹俱都平陽。○堯始封唐。中山唐縣是也。都平陽。今臨汾縣。○舜都蒲坂。唐河中。今蒲州。屬平陽府。平陽府古亦通稱蒲州。○禹生石紐。都安邑。陝州夏縣。漢爲安邑。屬河東。後魏改夏縣。此時安邑屬平陽府之解州。隋爲虞州。禹受封夏伯。今河南陽翟也。輿地志言宿州虹縣本夏丘。恐非。

商都八遷。○封商在上洛。商是也。昭明居砥石。遷于商。湯始居亳。有三亳。二在梁國。一在河洛之間。穀熟爲南亳。卽湯都也。蒙

爲北亳。卽景亳。湯所受命也。偃師爲西亳。卽盤庚所徙也。宋州穀熟縣。卽此時歸德府之考城縣。考城今有亳城。有大蒙小蒙。蒙與穀之亳。尚有分邪。本清曰。湯遷南亳。卽歸德府亳。一作簿。荀子湯以簿。管子曰。湯以七十里之亳。地理志山陽郡有簿縣。注湯都亳。說文亳。京兆杜陵亭名。則又一亳也。呂覽所言之鄆。其始封邑也。升菴以鄆卽殷字非是。詳見襍論。仲丁遷於囂。敖倉是也。今之開封府鄭州滎陽縣。秦置敖倉於此。河陰縣有敖山。河壘甲居相。去鄴四十里。殷墟南。今輿地記以爲大名內黃。祖乙遷于耿。河東皮氏縣。在今爲平陽蒲州之河津縣。遷邢。卽襄國。今順德府邢臺縣。所謂龍岡也。音耿爲邢者。索隱之說也。

盤庚遷亳。殷偃師也。通志澱水出陽城。東至西華。汝陽入於潁。古人并謂潁爲澱。詩補傳曰澱潁同音。今陳州之商水縣也。或乙徙河北。居朝歌。卽漢野王。今懷慶府河內縣也。或曰竹書紀季。南庚三季遷奄。在淮夷北。則商凡八都矣。

周建都。○后稷岐山縣人。封郃。扶風蘧城是也。卽今鳳翔府公劉徙豳。今西安府邠州也。鳳翔府郃縣。云是古郃國。有郃城。一

作釐城。釐城駘城。見左傳注。此古人字形相通。台怡之音亦通

也。太王邑岐。今有岐山縣。古岐周地。云在笑陽。是或功縣。非今

之扶風縣也。王季宅程。周書作郃。

詳前下
郃條

文王徙酆。在京兆鄠

縣東南。或王都鎬。漢鑿昆明池是也。周公營洛。卽今河南府懿

王徙伏丘。秦曰廢丘。京兆魏里是也。今之興平縣。厲王居彘。通典。晉州霍邑。漢彘縣。今霍州。平王徙洛。兩周正義曰。王城及鞏。非也。桓居河南。惠居洛陽。詳見前。

秦都咸陽。○孝公作咸陽。自櫟

音樂

陽徙居之。關中四塞。舊說引

及居庸誤矣。櫟陽卽萬年縣。近朝爲臨潼縣。

漢都○初居櫟陽。馮翊萬年縣。今西安府之咸寧。臨潼縣也。七
年都長安。卽秦咸陽。京兆所治縣也。光武棗陽人。入雒陽。幸南
宮。卻非殿。遂定都焉。

三國○蜀都成都。○魏都鄴。今彰德府。○吳始都于丹陽。築京
城。徙秣陵。改爲建業。黃初徙鄂。改武昌。後還。漳浦曰。吳都武昌。

乃成昌縣王伯厚曰庾亮南樓非鄂皆因舊志注而然也

兩晉南北朝都○晉成都洛爲西晉元遷建業爲東晉宋齊梁陳皆因之○北魏猗盧自馬邑爲代王什翼犍更營盛樂珽都雲中徙都平城孝文遷洛陽改元氏雲中代卽大同府盛樂在朔州唐之朔州卽馬邑屬定襄定襄馬邑今皆屬太原縣平城卽雲州定襄縣通典曰卽雲州隋雲內常安鎮也地在今府隋都長安○新建大興城

唐五都○高祖單陰縣人都長安改大興縣復爲萬年縣玄宗幸蜀以成都爲南京至德二載以鳳翔爲西京西京爲中京上元元年置南都于荊州寶應元年詔曰五都

五代都○朱晃都汴○後唐莊卽伋於魏州遷洛○晉石敬瑭
太原卽伋都洛徙汴○漢劉暠卽伋于太原都汴○周郭威都
汴。

宋四京○西京洛陽開寶八年修洛宮室南京應天府祥符七
季升太祖以歸德軍節度使卽伋也北京大名府慶曆二年升
按晉賜畢萬魏卜偃曰魏大名也爲河中之永樂今蒲州也非
元城之魏也後漢以大名名此舛矣又閱舊唐書田悅稱魏王
以魏州爲大名府其失始此。

元大都上都○元以燕爲大都卽京師明初名北平府永樂改
順天古爲薊城廣陽卽金之中都也紹興二十五年金主亮徙都

之名大興府治薊春秋燕國都碣石前漢爲薊縣舊治燕都有桑乾水慕容儁都此元之上都則今開平衛在延慶靖胡懷來土木之北一統志云雲州獨石衛在元之上都城內宣德五季築城又曰卽金桓州地有查河元初建都於和寧卽哈刺禾林也有迷河溫泉老父中丞公邊略曰自以大寧靖難棄爲三衛而宣遼隔矣後又以撫賞失節邊將殺熟丁報級而屬于建矣天子自守邊而項後古北潮河不二日至安定門徐中山亦出塞而入取燕者也薊密昌庸重哉

五霸○夏伯昆吾東郡濮陽縣唐武德四年析濮州濮陽置昆吾縣今屬開德府智按濮州在東昌府大名府滑縣與開州又

屬古濮陽地。地相近也。今開州境有濮陽城。○商伯大彭。今徐州。○豕韋。東郡白馬縣。東南有韋城。今滑州韋城縣。智按亦是滑縣地。滑縣有白馬山。所謂黎陽津。卽白馬之津也。韋津一作圍津。○周伯齊桓。初太公都營丘。卽臨淄。胡公徙居薄姑。智按今青州博興縣也。其應劭所云瑯邪姑幕。爲古薄姑。非是。今博興縣有薄姑城。莒州有姑幕城。可以較矣。獻公復都臨淄。○晉文叔虞封唐。在絳州翼城縣西。子燮徙晉水傍。穆侯自晉陽徙都絳。孝侯改絳爲翼。一名故絳。後爲曲沃。成公所并。又命曰絳。景公遷新田。又稱新田爲絳。○郝氏曰。隱公初季。周室東遷。鄭莊公始射天子。專征伐。是伯之始也。閔僖之間。齊繼之。晉文繼

之成襄以來楚繼之昭定以來吳繼之此說是

十二諸侯○魯都曲阜祥符改爲仙源○齊晉秦俱見前楚見後

○宋都商丘宋更名曰睢陽正義曰今宋州宋城縣也今爲歸

德府○衛都朝歌卽汲都今衛輝府淇縣伯厚云朝歌故城在

衛州衛縣西二十二里衛縣今省入濬州黎陽戴公廬於曹卽

滑州白馬是也齊桓城楚丘而居文公焉今開州境成公遷濮

陽元君徙野王今懷慶府河內縣○陳都宛丘今陳州治漢潁

川地也○蔡本畿內地采邑蔡仲改封汝南平侯徙新蔡昭侯

徙州來以州來爲下蔡汝南爲上蔡今壽春縣智按潁州潁上

縣梁名下蔡壽州之鄉有下蔡乃漢縣也今有下蔡鎮○曹都

曹今定陶縣○鄭桓公友初封鄭故城在華州鄭縣西北三里
成公取虢鄆十邑之地居之卽鄭州新鄭縣今時爲開封府禹
州新鄭縣禹州秦陽翟地新鄭古鄆國鄭州滎陽古東虢國卽
秦置敖倉之滎陽也○後見○吳都吳正義曰太伯居梅里今
無錫至十九世壽夢居之都勾吳諸樊徙吳至光使子齊築闔
閭城今蘇州也○越都會稽今紹興

六國○趙自晉獻賜趙夙耿注今河中龍門縣東南後名爲蒲
州趙襄居原今屬孟縣簡子居晉陽獻侯治中牟索隱曰在河
北非鄭之中牟敬侯元年始都邯鄲卽磁州縣智按磁州今屬
彰德府而廣平府邯鄲縣正古趙都蓋地近今分屬兩省耳○

魏自晉獻封畢萬。魏城在陝州芮城縣五里。漢河北縣輿地廣記。河中府永樂縣。古魏國。智按平陽府平陸縣。是漢河北縣地。而芮城縣正與平陸接壤。河中卽蒲州。古今分屬異耳。悼子徙治霍。今平陽府霍州。魏絳徙安邑。卽禹都。惠王三十一季徙大梁。今開封。○韓成子封於韓原。今韓城縣。宣子徙居懷州武德縣。今爲河內縣。貞子徙平陽。哀侯滅鄭。徙都鄭。今新鄭縣。戰國策謂韓惠王曰。鄭惠。○齊田和都臨淄。卽太公之營丘。齊詩曰。子之營兮。○楚熊繹當周成王時。封居丹陽。徐廣曰。在南郡枝江。括地志。歸州巴東縣東南四里。南郡。今荊州府也。文王都郢。今荊州。括地志。在江陵縣東北六里。昭王徙郢。卽襄州樂鄉縣。

後省入宜城。今襄陽府楚復還郢。襄王時秦拔郢。保於陳城。今陳州。考烈王徙壽春。命曰郢。○蕩或王封召公於蕩。都薊。太史公世家以姑姓之蕩仲父。伐周惠王者爲北蕩。誤矣。括地志蕩山在幽州。漁陽縣東南六十里。今薊州也。卽此時京城。

西漢末諸國。○赤眉樊崇。大盆子于長安。○彭寵據漁陽。○王郎帝邯鄲。○劉永據睢陽。○盧芳據安定。今平涼涇州。○隗囂據天水。今秦州。○秦豐據黎丘。今襄陽宜城縣黎丘城。○張步據臨菑。○董憲據東海。今海州。○李憲據廬江。今廬州。○公孫述據成都。燮曰外有鍾武侯劉望起汝南。龐萌稱東平王與董憲連。述將延岑據汝寧。田戎據翼江。

晉十六國。○晉載記劉淵以惠帝永興元年據離石。即石州智
按即汾州府永寧州。寧鄉縣臨縣。俱離石地也。稱漢都蒲子。今
隰州。稱帝。徙平陽。劉曜徙長安。號趙。○李雄以永興元年稱帝。
都成都。號成。壽改爲漢。○後九年石勒據襄國。今順德府邢臺
縣。謂後趙。石虎據鄴。○張軌先據河西姑臧。即涼州。今鎮番地。
是歲石勒後三十六年也。重華自稱涼王。據敦煌。即沙州。曰前
涼。近時猶有沙州衛。已棄敦煌。畫嘉峪關爲界。○後一年冉閔
據鄴。稱魏。○後一年苻堅據長安。稱秦。○慕容廆居棘城。棘城
在營州城東南一百七十里。稱燕。是歲苻堅後一年也。僞始僭
號。蓋號以咸康三年。即燕王伧築龍城。改柳城爲龍城縣。七年

都之號新宮曰和龍。通典營州柳城縣有和龍城。通志卽大遼之黃龍府也。田疇引魏或上徐無山出盧龍口越白檀之險歷平岡登白狼堆至柳城勝烏丸是也。○後三十季後燕慕容垂據鄴都中山春秋白狄古鮮虞地漢盧奴縣其新樂縣漢新市縣秦趙郡鉅鹿二郡地高帝置常山中山卽今真定府定州。○後秦姚萇據長安。○後二季西燕慕容冲據阿房。○是歲乞伏國仁據抱罕今河州稱秦。通典曰都苑川在蘭州五泉縣後曰子城縣北史築勇士城都之乾歸遷金城近時設蘭州衛於金城乞伏是曰西秦。○後一季慕容永據上黨稱帝于長子。○是歲呂光據姑臧稱涼謂之後涼近時於姑臧地置鎮番衛。○後

十二季慕容德據滑臺。今滑縣。稱南燕。都廣固。曹嶷所築。乃青州益都縣西四里。晉志苻朗以州降。以辟閭彬爲刺史。爲德所滅。玄文說劉裕曰。石虎塞五龍口。而曹嶷降。慕容恪又塞之。而段龕降。裕又塞之。而超擒。通志宋青州治廣固。則正今之府治也。今廣輿記并不載廣固之名。而蘇刻通鑑卷首國都。且以廣固爲陝西成固縣矣。○是歲禿髮烏孤據廉川。今秦州上邽縣西南。隆安元季。稱西平王。曰南涼。烏孤薨。稱成王。後三歲。徙于樂都。通典鄯州湟水縣。一名樂都。又云烏孤都。廣成。張駿置廣成郡。蘭州廣成縣也。唐更名金城縣。明乃設蘭州衛於金城。○段業據張掖。稱北涼。明朝設甘州五衛于張掖地。○後三季

李嵩據敦煌。稱西涼。遷酒泉。此時爲肅州衛。○後一季沮渠蒙遜殺段業。都張掖。遷姑臧。總謂北涼。○後四季譙縱據蜀。稱成都王。○後二季赫連勃勃據朔方。都統萬。稱大夏。今寧夏。○後二季馮跋據和龍。稱北燕。爲戰國者一百三十六載。和龍卽柳城。燮曰冉閔慕容冲譙縱。季數短促不在十六國之數。

隋末諸國。○鄭王世充據東都。卽河南府。○魏李密據鞏。在河南府屬縣。○梁蕭銑據江陵。○夏竇建德據樂壽。卽瀛州縣。今河間。遷洛州。今廣平。○瑒高開道據渙陽。○梁梁師都據朔方。卽寧夏。○涼李軌據成威。○秦薛舉據金城。卽蘭州。○永樂李子和據榆林。○定楊劉武周據馬邑。爲定楊可汗。○漢東劉黑

闔據洛州。○吳李子通據江都。○吳杜伏威據歷陽。卽和州。○
梁沈法興起吳興。今安吉州。○宋輔公祐據丹陽。卽陳故宮都
之。今鎮江府。○楚朱粲據南陽。今鄧州。○元興操師乞據豫章。
○楚士林弘據虔州。今贛州。○魯徐圓朗據兗州。熒曰其時宇
文化及據江都。稱許。楊士林據武昌。稱楚。汪華據歙。稱吳。王須
拔據上谷。稱蕤。羅藝據涿。稱蕤。劉季真據離石。今汾州屬縣地。
稱劉王。邵江海稱新平王。俱在十三季內。

後五代十國。○吳楊行密都廣陵。○唐李昇後稱江南。都金陵。
遷豫章。復都金陵。○前蜀王建。成都。○後蜀孟知祥。○吳越錢
鏐。錢塘。○閩王審知。福州。○漢劉隱。廣州。○楚馬殷。潭州。今長

沙。○荆南高季興南平。卽江陵。○北漢劉晏。五代史曰東漢太原。○後王延政以建州稱殷。卽閩也。以梁初論之。天下爲十一國。劉道原曾作十國紀季。或曰西岐李茂貞。李從曠。北漢劉仁恭。劉守光。晉李克用。楚之後復分。或陵周行逢。雖皆稱王帝。不列十國之數。

地輿

釋地

地重。言其地貴重也。○貨殖傳。汧雍地重。重爲邪。索隱曰。地重。言重于耕稼也。陳明卿曰。非也。蓋言土厚耳。智謂言關中之地。近天子。多公卿富厚貴重也。下文秦文孝繆居雍。隙隴蜀之貨物而多賈。舊以隙爲句。非也。當以隙屬下爲句。言開隙于隴蜀。

之間也。

大泉瀑布也。亦謂之泄。○莊子縣水三十仞。班固終南山賦。傍吐飛瀨。上挺修林。大泉落落。密陽沉沉。韓愈詩。縣瀑垂天紳。孟郊詩。簷溜擲天紳。蘇軾詩。餘波猶足挂天紳。縣水大泉天紳。皆指瀑布。浙江合浦陽江。逕諸暨與洩溪合。有三洩。陸游會稽志。言諸暨泄溪。造雲壁大。上洩高二百餘丈。土人號瀑爲泄爾。輿地志作五泄溪。水經注言縣河雷抃。湍注潏盪。散氛霧合。樊宗師絳守園池記。言水腔瀑三丈。洩漣皆狀瀑語。

夷庚平路。一曰往來要道也。○左傳以塞夷庚。繁欽辨惑。吳人以舟楫爲輿馬。巨海爲夷庚。陸機辨亡。旋皇輿于夷庚。詩序曰。

由庚萬物得由其道。是以庚爲道也。

趵突卽瀑流也。○張邦基曰濟南爲郡在歷山之陰水泉清冷凡三十餘所舜泉瀑流金線眞珠洗鉢孝感玉環之類皆奇李格非字文叔嘗爲歷下水記敘述甚詳曾子固作詩以瀑流爲趵

突未知孰是今濟南府志則載趵突泉矣此爾雅之瀆大出尾下也疏曰汾陰有水口如車輪曰瀆魁又馮翊郃陽有一瀆夾河又一瀆皆潛通郃陽今同州西陽襍俎有大極泉蓋神瀆蓋漿之類列子所云甌甌有水曰滋穴神瀆也升菴言蜀有七瀆盆溢瀆起也○陳忠諫伯崇徃來甘陵疏曰隔并屢臻海水盆溢注盆與溢去聲同溝洫志曰河水溢溢蓋滿起貌晉志水滂沱

溢此因盆用瓮耳。相如盆入曾宮之筦絃。唐儒學傳全集京師。莊子隱全皆謂滿起也。溢又作噍。當與漢歎通。

水疾崖傾曰礧。灘磧相湊曰林。○升菴曰四川有閤王礧。樊子礧。水疾崖傾曰礧。灘磧相湊曰林。林音子。今有石危子。折危子。又云大小巫湖曰二巫。外習裏習曰兩習。按林乃孫氏妄大之音。不必以此文蜀之鄉語子也。撫謙敬甫皆以林爲古流字。子才以林爲古委字。

水溪瀨中謂之究。○竺枝扶南記山溪瀨中謂之究。水經注曰九真郡九德浦逕越裳究。九德究。南陵究。進得橫山。度比景廟。橫山。卽今南寧府之橫州也。

合口水洑謂之渙。洑盪者謂之洪。○衡漳會雩池謂之合口。又分二川。當其水洑處名之曰李聰渙。曰洪者如雞翹洪。呂梁洪之類是也。

水合闊溢謂之澇。○樂成陵縣北衡漳逕弓高縣合柏梁澇。如沔北有下澇戍。皆岐水合。若杜工部用澇澇則自以意用也。又作汭地名雁汭。韓文曹成王碑行趾汭川。遼有三岔卽汭義河。去聲嘉靖雷禮修盧溝河。今岔河水歸故道。

淀浸之潸渙淺水也。○音殿。魏都賦掘鯉之淀。注在河間。如淵而淺也。今北方傍水艸之地皆謂之淀。倪鴻寶領司徒曾議諸淀欲堤之以爲屯田。水經注范陽城西易水鹽亭陂通梁門淀。

又清淀水發西淀轉注畧。史記洩河渟水放之海。前西域傳其水亭居。考工記奠水皆一字。則卽淀字矣。渟淀之音與猶延轉音定。又轉爲殿也。

湖淀之波漾者曰澱。○水經注易水又東。渥水注之。謂之大渥澱。小渥澱。又渥水會博水。逕陽城縣。散爲澤渚。爲疊舸折芟之所。曰陽城澱。益昌有濩澱。今松江府有薛澱湖。

塵垢。或作塚。均。塏。塏。通作蓬塊。其曰跋跌。言塵埜也。○存中曰。博物志曰。徐州人謂塵土爲蓬塊。吳人謂之跋跌。韻輯轉注曰。莊子塵垢。崔本作塚垢。塚音塏。齊謂風塵曰塏。宋玉用塏。亦塵塊也。九懷曰。羃土忽兮塵塵。音枚。集韻作塏。古詩云。跼跋

紅塵下。則馬踐塵起也。博雅注。室塵卽煙煤。呂覽煤室入甑中。注煤室。烟塵之煤也。

鬱棲。糞壤也。董塊。粘土也。○至樂篇陵舄得鬱棲。則爲舄足。朱碧虛子陳景元注曰。鬱栖。糞壤也。舄足。俗呼墨艸。烏髭方用之。劉守光圍滄州城。城中食董塊。董塊。粘土也。

埠頭。水類也。○說文類從步。故水邊亦謂之步。青箱雜記曰。退之羅池碑。言步有新船。或以步爲涉。非也。智按。任昉曰。上虞有石駝步。吳江中有舄步。龜步。湘中有靈妃步。昉按。吳楚間謂浦爲步。則非特唐有此音矣。後人遂作埠。音步北方曰務。如宋趙彥衛雲麓漫抄。東京至女真。御寨行程。有薊州永濟務。遼河梁虞。

務。今通州有河西務。東昌府有李開務。元至正六年。盜扼李開務。開河。今積販泊商之所曰埠頭。刻日交市。北方曰集。南方曰墟。
水畔曰汧。猶濬也。○廣韻有汧。音畔。唐書王維傳有芙蓉汧。片爲木之半。故得音。

京。古原字。○檀弓。晉獻文子曰。成也全要領。以從先夫子于九京也。智按。古京字。篆作京。周禮。邊師。大篆也。爾雅。高平曰原。通用則九原猶九地也。漢九原郡。改五原。絳州九原山。如洛北邙。晉都絳。故文子觀而嘆之。俗不知京爲古原。凡用兩京。書作兩京。及用九原。書作九京矣。直翁反云。檀弓誤。胡元瑞筆叢猶用

九京。以從無人言及耳。原又與阮通。見後。

江膺。猶言江心也。○水經注曰。若水至犍道縣。又謂曰馬湖江。繩水瀘水孫水淹水大渡水。皆合焉。縣人隗叔通。爲母汲江膺水。天爲出平石。至江膺中。今謂之孝子石。應璩引此。以爲江裔水。

竅。塞外道也。○陸贄關中事狀。倘有賊臣蹈竅。注音萃。塞外道也。此字別無所本。敬輿條奏。何爲用奇字。必當時語也。古文尚書作竅。三苗。說文竅。塞也。虞書曰竅。三苗。粗最切。則是竄字亦音萃乎。說文穴部復有竄字。七亂切。此何解乎。蓋因俗文而附入之耳。

瀧灘也。○嶺南急流謂之瀧。韶州樂昌有瀧水。音霜。歐陽公有瀧阡。嚴陵七里灘。亦曰瀧。葉少蘊曰。土人謂瀧爲籠。初至爲入瀧。旣盡爲出瀧。

大湊爲四方所輻輳也。則土言法也。○作雒篇第四十八。周公俘殷獻民。遷于九里。俾康叔宇于殷。俾中旄父宇於東。乃作大邑成周于土中。城方千七百二十丈。郭方七百里。南繫于洛水。北因于郊山。以爲天下之大湊。制郊甸方六百里。周西土爲方千里。分以百縣。縣有四郡。設丘兆。建大社于國中。其壝東靑土。南赤。西白。北驪。中央黃。將建諸侯。鑿取其方一面之土。苞以黃土。苴以白茅。以爲土封。故曰受則土于周室。乃太五宮。大廟。宗

通雅 卷之十七
宮考宮路寢明堂咸有四阿反坫重亢重郎常累復格藻梲設移旅楹卷常画內階文階堤唐山廡應門庫臺元闔

水埭猶堰也。○晉大元九年謝玄於呂梁遣督護聞人爽用功九萬擁水六七埭以利運漕。水經注泗水之上有石梁今名呂梁洪在徐州彭城東五十七里宋景公彎弧東射矢集彭城之東飲羽于石梁陳吳明徹以舟師北破下邳進屯呂梁堰泗水灌徐州是也。

石的石壁之最著者也。○水經注滎陽陽城鄉李勝祠廡前有石蹠蹠上有石的箋云石的疑作石碣非也。智謂石的乃謂壁大著明如射侯之的也會稽記有射的山山有石壁方二丈。

濬注淺水也。○水經注斥漳縣水入青洹故瀆水舊斷溪東北出涓流濬注而已。玉篇曰濬莫歷切水也。

琴城冢也。○水經注楚人謂冢爲琴。六安縣都陂中有大冢民曰公琴卽皋陶冢也。銅陽縣有葛陵城有楚成王家民謂之瑟城。箋曰瑟當作琴。

鹽鹵澤也。○水經注膠水北歷土山山悉鹽坑。箋云坑當作鹵。按玉篇音亢云鹽澤也。北史楊義臣以遼東還兵入豆子鹵討賊譌作鹵。省作坑耳。存中言堯梢水乃解澤之濁水敗鹽者也。

町疇田閒道也。○毛萇因町疇鹿場則訓町疇爲鹿跡許慎亦

曰町疇禽獸所踐處可謂泥矣。町田閒道曰町疇。蓋言其蕩蕩也。左傳町原防井衍沃。于寶注平川可井者井之原阜不可井者則町之。町小頃也。張衡賦編町成篁。注謂畎畝。莊子舜舉于童土之地。注童土疇也。如山無草木曰童。伊川曰廬旁隴畦也。征夫久不歸。町疇之地踐爲鹿場。非謂町疇卽鹿場也。集韻作埵。暖黷。公紹依說文疇土短切。今山東方言以路平行。僂爲町疇。讀如汀湯。江北則呼爲汀湯。白子皮爲余言之。

解果猶蟹螺也。螯倮言狹而果也。○升菴以解果螯倮蟹螺爲一。引荀子解果其冠。魏都賦風俗以螯倮爲嫿。說苑淳于髡言祠田蟹螺者宜禾。污邪者百車。蟹螺高地也。今作偃僂。智按今

作甌窶。史記甌窶。注猶培塿也。左傳部婁無松柏。荀子注引說苑蟹螺。宜禾言蟹螺之背微高。韵補引史記注裴側之地。猶培側也。以培塿言冠言冠之狀。中高而旁攢耳。則解果當音蟹裸。若左思之用鰲裸爲媼。智見媼一作媼。鰲又作儻狹也。儻猶揚雄質難之難。隘也。唐韻有裸。蒼頡篇果敢作裸敢。則左思之用鰲裸。蓋言風俗以隘狹果敢爲快也。媼古音壞。與快近也。音義全與解果蟹螺不同。劉子玄史通曰。蒼梧人風媼割。地氣歆瘴。正用鰲裸爲媼。而作媼割。唐人好造如此。

沈澤。猶沈斥也。淙淙。正言菜洲沮洳也。○陳無功引傳曰。沉者莽也。沉澤。言澤無水。如斥鹵之類也。智見風俗通山澤篇。有沈

有沛。升菴引之。猶漢書言沈丘也。又按公紹列二沛。引一爲地名。一爲水草。王制沮澤。注沮謂菜沛。草所生曰菜。水所生曰沛。公羊傳。草棘曰沛。崔駰達旨。蟲蚋之趣大沛。子謙合之。說文本無二沛。但作淵。普蓋切。而又有淙淵之訓。玉篇波兒。箋曰。淵從𣶒省。

山脅。今之衝坂也。○說文坡者曰坂。一曰澤漳。一曰山脅。韓信並山。謂傍山脅也。今山衝小坂是也。

朝夕池。海名。言潮汐也。○枚乘傳。朝夕池。潮有朝夕之期。山海經。朝夕池。一名天池。風俗通。海爲百谷王。亦曰朝夕池。水經注。平樂縣南有朝夕塘。一日再增再減。同于潮汐。潮汐詳質測。

尾閭歸墟也。○荀子渤海東有大壑其下無底名曰歸墟。八紘九野之水天漢之流莫不注之而無增無減一名歸塘。卽莊子所謂尾閭者也。智曰地中多竅水吸則物隨之弱水不載必下有氣吸收黃河乍清或水物吸收耳。總歸氣論各海氣歸各處之峰頂此何疑乎。

土有六土橫土土穴謂之窰戶。○說文窰或永切北地謂地空。又曰北方謂土穴爲窰戶。陳後山曰潁中田理有六土不可稱。何子元言山陝隴穴居亦言有六有橫橫土可居。又言有土界水界之說。唐僧泓告張說土界水界有龍守之宜鑄鐵牛以防一龍又宜埋玉埋硫此說雖不可知而葬家從未言及或曰玉

之能。和百神。固未可知。而疏性則可辟蟲蟻。絕水脈。

容突。卽凹凸。○終南太乙云。容突出蒼頡篇。新都曰卽凹凸。陳慤仁曰。經史直音。容音渴。合也。突音亦。穴也。智謂字書臆解。文通云。地有凹埵。周伯溫取凹埵。反以凹凸古字爲俗。神異經大荒石湖無凹凸。画記一乘寺名凹凸寺。

魁父。猶塊附也。○周語高山廣川大藪。幽王蕩以爲魁陵。糞土溝瀆。京山曰魁陵。卽丘陵。趙簡子夢帝謂。羸將大敗于范魁之西。范魁卽范丘。又言列子魁父。卽丘阜。梁父卽梁阜。智按列子曰。以子之力。不能損魁父之丘。魁丘並用。自非可通。謂爲塊附之丘。猶可。蓋培塿一作附婁。魁然卽塊然。曰不注。曰不其。謂如

花專故培。怀有不音夫音與不字可音否。又可音夫。正同。

窈田。遠莊寄業也。駱田。架田。卽葑田也。○王伯淮奏議曰。交鄉
窈田。謝華啓秀。以封水。爚山對之。爚山。見南宋西陽王子尚奏。
爚音戲。在末韵。卽徐文長所謂爚爚。謂藉芳也。見農時條。說文
窈。窈窈深也。多。嘯切。子謙遺之。今方言卽以隔遠爲窈。遠。新都
又言葑田。音去聲。元瑞駁之。據閩。閩十三州志云。百粵有駱田。
王氏農書。架田。卽葑田。駱亦音架。交趾有架田。此何能駁邪。元
美言。吳有。曰。葑。廣。海邊田。今呼爲葑。江賊所指卽此。
句廉。岸曲之殺也。○趙充國傳。辛武賢擊罕羌。入鮮水北。句廉
上。服虔句音銑。古曰句廉。謂水岸曲有廉殺也。韻會引說文。

廉仄也。徐曰：廉，稜也。今說文不載徐說，而徐解正合。按：喪大記，
即伏于堂廉，極無飲酒，設席于堂廉東上。注皆謂側邊廉稜也。
稜，即廉之轉聲而開口也。屋稜曰檐。庠稜曰貼，皆廉
稜之聲。

息壤，全土也。○經籍帝之息壤，以堙鴻水。羅泌路史云：息生之
土，長而不窮。漢時臨潞地，漏六里，又無鹽危山土起。唐江陵南
門地，隆起如伏牛馬，去之輒復。又柳子所言永州龍興寺地，如
負甕起，皆為息壤。莊子：隱坐亦謂弁起也。顧遜園曰：王襄敏公
廳事有土墳起，古息壤也。智以息壤是理竊帝者，奇其字法耳。
資州之石自大獨異記寶曆元年資州之石上坡臨平之湖自開

錢塘記

歷陽由拳自陷

歷陽陷見辨命論

何獨于息壤而疑之

吳時
詳見質測

九有猶九圉也。○外記曰人皇居中州以制八輔此引春秋命歷敘文也古稱九有有與圉通都爲中圉八輔則餘八圉也故本清以八索爲八澤舊說八索八卦也

